

摘藻堂四庫全書薈要

史部

欽定四庫全書薈要

史部  
通典卷三十一

詳校官員外郎臣楊世綸



欽定四庫全書薈要卷九千一百四十九

史部

通典卷三十一

唐京兆杜佑君卿纂

職官十三

王侯總敘

法古者多封國之制

魏曹元首六代論晉陸士衡五等論皆言封建之利

是今者

賢郡縣之理

貞觀中朝議封建李伯藥盛陳不可馬周繼言之遂止

雖備徵利病

而終莫究詳嘗試論之曰在昔制置事皆相因物土疆

建萬國成則肇於軒后方有可稱不應創擇萬人首令  
分宰蓋因其豪而伏衆即其地而名國或循沿舊政簡  
朴不傳或墳籍散亡建茲復紀塗山之會亦云萬數夏  
祚經四百已喪七千殷氏六百年間又損千二百矣爰  
及周赧八百餘祀離為十二合為六七始皇蕩定天下  
一家歷載千九百并萬而為一衆暴寡且無虛月大滅  
小未嘗暫寧迭尋干戈齊人塗炭秦覩其弊不復建侯  
纔及嗣君天下怨潰漢祖矯枉竝建勲親旋則韓彭趙



醢續有吳楚逆亂武昭之後制許推恩分人為差但食  
租稅王莽階緣后族克成篡奪諸劉微劣勢同編氓光  
武遠懲大封優全勞舊鄧寇耿賈國止四縣二漢所立  
列郡不殊中有偽新乃如羿浞雖無塗山萬國享祚侔  
於夏氏曹魏剪弱藩戚未幾覆亡晉室分兵八王致亂  
尤速

晉以魏公族微弱神器易遷故委兵諸王未幾迭  
相攻伐遂亡天下所謂矯枉過當其敗愈速也

劉宋改更舊制國吏不得稱臣

孝武性多猜忌制國吏  
於本國君不得稱臣

改稱曰  
下官也

自茲以還建侯日削欲行古道勢莫能遵天生

烝民樹君司牧人既庶焉牧之理得人既寡焉牧之理

失庶則安所致寡則危所由漢隋大唐海內統一人戶

滋殖三代莫儔

唐虞之前記錄簡略人戶損益不可復知夏氏以來載籍漸備西漢有千二百

餘萬戶東漢有千餘萬戶隋及大唐皆有九百餘萬戶雖三代致理亦莫比焉魏晉之後凋耗則甚若以

為人而置君欲求既庶誠宜政在列郡然則主祀或促

矣若以為君而生人不病既寡誠宜政在列國然則主

祀可永矣主祀雖永乃人鮮主祀雖促則人繁建國利

一宗列郡利萬姓損益之理較然可知夫立法作程未

有不弊者固在度其為患之長短耳政在列國也其初

有維城磐石之固其末有下堂中肩之辱遠則萬國屠

滅近則鼎峙戰爭所謂其患也長

夏殷周三代諸國相滅魏晉鼎峙六十餘

年車書方一永嘉之後天下幅裂三百餘載江左乃平政在列郡也其初乃四海

一家之盛其末有土崩瓦解之虞高光及於國初戡定

之勲易集所謂其患也短

自秦二世元年陳勝首起兵亂至漢高平項羽凡八年而

天下定自王莽地皇三年海內兵起至光武建武十二年平公孫述凡十三年而甲兵戢自隋文大業十一年

已有羣盜起至國家武德七年凡十年而干戈息豈非已然之證歟夫君尊則

理安臣強則亂危

管子曰君尊則國安君卑則國危

是故李斯相秦堅

執罷侯置守其後立議者以秦祚促遂爾歸非向使胡

亥不嗣趙高不用閭左不發酷法不施百姓未至離心

陳項何由興亂自昔建侯多舊國也周立藩屏唯數十

焉餘皆先

去聲

封不廢其爵

楚滅六夢魯臧文仲嘆曰臯繇庭堅不祀忽諸按臯繇庭

堅重於唐虞之際封立國邑不應殷周之時略微一二足沿習也

諒無擇其利遂建諸

國懼其害不立郡縣故曰事皆相因斯之謂矣

自五帝至於三

王相習建國之制當時未知封建則理郡縣則亂而後又觀秦漢一家天下分置列郡有潰叛陵墓之禍便

以為先王建萬國之時本防其萌務固其業冀其分樂同憂饗利共害之慮乃將後事以酌前旨豈非強為之

說乎覽曹陸著論誠謂文高理明不本為人樹君不稽烝

眊損益觀李馬陳諫乃稱冥數素定不在法度得失不關政理否臧故曰終莫究詳斯之謂矣但立制可久施教得宜君尊臣卑幹強枝弱致人庶富享代長遠為理之道其在茲乎

歷代王侯封爵

公主并官屬附

昔黃帝旁行天下分建萬國

神農氏末諸侯相侵代暴虐百姓黃帝既為天子天

下有不服者從而征之平者至於唐虞別為五等曰公去之置左右大監監於萬國

侯伯子男則虞書所謂輯五瑞脩五玉是其制也

五瑞即公

侯伯子男之瑞珪璧也五玉亦五等諸侯執之玉也○夏與唐虞同○殷制天子

之田方千里公侯百里伯七十里子男五十里不能五

十里者不合於天子附於諸侯

鄭玄云此地殷所因夏爵三等之制

凡四

海之內九州州方千里州建百里之國三十七十里之

國六十五十里之國百有二十凡二百一十國名山大

澤不以封其餘以為附庸閒田凡九州千七百七十三

國千里之外設方伯五國以為屬屬有長十國為連連

有帥三十國為卒卒有正二百一十國以為州州有伯

八州八伯五十六正百六十八帥三百三十六長八伯

各以其屬屬於天子之老二人分天下以為左右曰二

伯千里之內曰甸千里之外曰采○周制封王者後凡

有功之諸侯大者地方五百里侯四百里伯三百里子

二百里男百里

所因殷之諸侯亦為黜陟之其小者皆蓋之地為百里是以周有爵尊而國小

爵卑而國大者唯天子畿內不增

方千里曰王畿其外方五百里曰侯

服又其外方五百里曰甸服又其外方五百里曰男服

又其外方五百里曰采服又其外方五百里曰衛服又

其外方五百里曰蠻服又其外方五百里曰夷服又其

外方五百里曰鎮服又其外方五百里曰藩服

周之初列爵唯

五公侯伯子男分土唯三公侯方百里伯方七十里子男方五十里並因殷制至周公居攝制禮作樂列爵分

土皆五等焉公五百里侯四百里伯三百里子二百里男百里凡諸侯世子世國

繼世以諸

侯象賢

大夫不世爵使人以德爵以功

謂縣內及列國諸侯為天子大夫者

不世爵而世祿避賢未賜爵視天子之元士以君其國

列國及縣內之國



諸侯有上大夫卿下大夫上士中士下士凡五等

上大夫曰

卿

諸侯之大夫不世爵祿

周天王之女曰王姬皆下嫁於諸侯車服不繫其夫下王

后一公國孤一人

孔安國注虞書曰公之孤執元周禮云公之孤四命王制曰天子使其大

夫監於方伯之國國三人是為三監使佐方伯領諸侯此殷禮也其祿視諸侯之卿其爵視次國之君其祿取於方伯之地蓋牧國則有之故儀禮燕禮云若有諸公則先卿獻之正義曰言諸者通客牧三監皆為公也

大國三卿皆命於天子

命於天子者天子選用之如今詔書除吏矣

次國三

卿二卿命於天子一卿命於其君

左傳曰管仲受下卿之禮避天子之二守

國高故也明國高是天子之命卿也

小國三卿一卿命於天子二卿命於

其君

王制曰小國二卿皆命於其君鄭註云誤也正義曰此兼夏殷禮也夏之大國謂公侯也殷大國謂

公也依周而言謂立司徒兼冢宰之事立司馬兼宗伯

立司空兼司寇也故左傳云魯季孫為司徒叔孫為司

馬孟孫為司空此三卿也以此推之則知諸侯下立冢

宰宗伯司寇按崔氏云魯已有孟叔季三卿為政而更

有臧氏及孔子並為每國下大夫五人上士二十七人

司寇則皆小司寇也周禮五等國悉三卿五大夫二十七士皆與此同但國

公長有四命孤一人其卿三命大夫再命侯伯之卿大

夫亦如之子男之卿再命其大夫一命其士不命大國之卿不過三命下卿再

命小國之卿與大夫一命

不言次國者以大國之下五

同周禮公侯伯之卿三命大夫再明之也此卿命則異大夫皆

命子男之卿再命其大夫一命次國之上卿位當大

國之中中當其下下當其上大夫小國之上卿位當大

國之下卿中當其上大夫下當其下大夫

此諸侯使卿大夫聘聘燕

會之序也其位爵同小國在下爵異固在上耳

至於周衰諸侯失制號令自己

其名不一於是正卿當國謂之相而楚謂之令尹其他

異同難悉數矣

孫卿子曰孫叔敖曰吾三相楚而心愈卑每益祿而施愈博位滋尊而禮愈恭

史記曰楚民俗好卑車王以為不便焉欲下令使高之孫叔敖曰令數下民不知所從王必欲高車臣請教問里使高其相王許之居半載民悉自高其車此不教而民從其化故三得相而不喜知其才自得之三去相而不悔知非已之罪淮南子曰蘧伯玉為相子貢問何以理國曰不理理之又曰子產為鄭國相一年墜子不戲

理班白不提挈童子不犁畔二年市不貳賈三年門不  
夜闔道不拾遺四年田器不歸五年土無尺藉又孔子  
攝行魯相事有喜色乃誅大夫亂政者少正卯與聞國  
政三月鬻羔豚者弗飾賈男女行者別於塗塗不拾遺  
四方之客至乎邑者不求有司皆予之以歸又公儀休  
為魯相奉法循理無所變更百官自正使食祿者不得  
與民下爭利受大者不得取小客有遺相魚者不受客  
曰聞君嗜魚何故不受相曰以嗜魚故不受也食茹而  
美菽其園葵而棄之見其家織布好而逐出其  
婦媼其機曰欲令農夫女工安所售其貨乎 ○秦制

爵二十等以賞功勞二十徹侯

後漢志曰徹侯金印紫綬功大者食縣小者食

鄉亭得臣其所食史氏後趙漢武帝諱改曰通侯或曰列侯

十九關內侯

顏師古曰言有侯號

而居京畿無國邑也荀綽百官表注曰時六國未平將帥皆家關中故以為號劉昭曰關內侯無土寄食在所

縣民租多少各有戶數為限如淳釋曰列侯出關就國  
侯但爵其身有家累者與之關內之邑食其租稅又有

倫侯建成侯趙亥昌武侯馮無  
擇是也但有封名而無食邑  
十八大庶長劉昭曰自左庶長以

上至大庶長皆將軍也所將庶人更卒故以為名大  
庶長即大將軍也左右庶長即左右偏裨將軍也  
十

七駟車庶長言乘駟馬之車而為眾庶之長  
十六大上造言皆主上造之士  
十

五少上造十四右更言主領更卒部其役事  
十三中更十二左更

十一右庶長言為眾列之長  
十左庶長九五大夫大夫之尊者也劉昭曰自

公士至五大夫皆軍吏也  
八公乘言得乘公家之車也劉昭曰自吏民爵不得過公乘過者得賞與子

若同產然則公乘者  
軍吏之爵最尊者  
七公大夫與下同  
六官大夫加官者示稍尊

也亦謂之

**五大夫**

列位從大夫

**四不更**

言不預更卒之事

**三簪褭**

以組

帶馬曰褭簪褭者主飾此馬

**二上造**

造成也言有造成命於上

**一公士**

言有爵命異於士卒

劉昭曰步卒之有爵為士者也戰國之際秦項之間權設班寵有加賜邑君者蓋假其位號或空受其爵耳如田嬰為靖郭君白起為武安君魏冉弟為華陽君秦昭王弟為涇陽君及高陵君蔡澤為剛成君其後項梁為武信君陳餘為成安君李左車為廣武君之類是也至漢尤多蓋在封爵之外別加為美號也○漢興

設爵二等曰王曰侯皇子而封為王者其實古諸侯也

故謂之諸侯王王子封為侯者謂之諸侯羣臣異姓以

功封者謂之徹侯大者不過萬家小者五六百戶以為

差降古分土而無分民自漢始分民而諸王國皆連城  
數十踰於古制其諸侯功德優盛朝廷所敬異有賜特  
進者其位在三公下其次列侯有功德天子命為諸侯  
者謂之朝侯其位次九卿下皆平冕文衣侍祠郊廟其  
稱侍祠侯者但侍祠而無朝位其非朝侯侍祠而以下  
土小國或以肺腑宿親若公主子孫或奉先侯墳墓在  
京師者亦隨時見會謂之猥諸侯凡諸侯王皆金璽盤

綬

古者印璽通名今則尊卑有別漢舊儀云諸侯王黃金璽驂駝紐文曰璽謂刻曰某王之璽赤地綬列侯

黃金印龜紐大曰  
某侯之印紫綬

掌治其國王常冠遠遊冠綬五采而

多朱自稱曰寡人教曰令凡諸侯王官其傅為太傅相

為丞相又有御史大夫諸卿皆秩二千石百官皆如漢

朝漢朝惟為置丞相其御史大夫以下皆自置之及七

國作亂之後景帝懲之遂令諸侯王不得治民令內史

治之改丞相曰相省御史大夫廷尉少府宗正博士官

武帝改漢內史中尉郎中令之名

內史為京兆尹中尉為執金吾郎中令為

光祿

而王國如故員職皆不得自置又令諸王得推恩



封子弟為列侯於是齊分為七趙分為六梁分為五淮

南分為三又令諸侯十月獻酎金不如法者國除其縣

邑皆別屬他郡千戶置家丞不欲者聽之作左官之律

附益之法自後諸侯王唯得衣食租稅至成帝綏和元

年省內史更令相治民

大司空何武奏罷內史相如太守中尉如都尉參職是後中尉

爭權與王相  
奏常不和

太傅但曰傳

史記梁孝王景帝母弟竇太后少子築東苑方三百餘里

為複道自宮連屬於平臺四十餘里賜天子旌旗千乘  
萬騎擬於天子出蹕入警招延四方豪傑山東遊士莫  
不至焉又曰河間獻王景帝子也好儒學  
被服造次必於儒者山東諸儒多從而遊  
漢初論功封

列侯者凡百四十有三人

蕭何為冠

外戚與定天下侯者二

人凡列侯金印紫綬大者食縣小者食鄉亭得臣其所

食吏民凡皇帝之女為公主皆列侯尚之

周制王姬下嫁於諸侯以

同姓諸侯主之公者諸侯之尊稱故謂之公主後漢荀爽上疏曰漢承秦法設尚主之儀以妻制夫以卑臨尊

者宜改尚主之制以稱乾坤之位

王國有傳

掌輔導王初曰太傅後除太字史記曰賈誼為梁懷

王太傅王墮馬死無後賈生自傷為傅無狀哭泣歲餘亦死

相

本統衆官後省內史而相理民如郡太守

史記曰曹參相齊閭膠西有蓋公善治黃老言乃學請之蓋公曰治道貴清淨而民自定參用其術齊國安集

及人為漢相屬其後相曰以齊獄市為寄慎勿擾也夫獄市者所并容也今君擾之姦人安所容乎吾是以先

之也又曰石慶為齊相舉國皆慕其家  
行不言而齊國大治為立石相社也

內史

治國民

中尉

掌武事

郎中令

秩千石墨綬

僕

本曰太僕改曰僕墨綬

文學

宋志前漢王國已置文學

大司農

衛士長

太倉長

齊淳于意為之

列侯國亦有相

改所

食國令長為之漢初諸侯王有丞相兼有相國按史記周勃破燕王盧綰得相國一人丞相二人景帝省之

餘略與王國同公主有家令門尉亦有賜重封者

張晏曰重

封益祿也臣瓚曰增封顏師古曰重封謂加二號耳

成帝鴻嘉三年詔七大夫以

上皆令食邑

秦本制列侯乃得食邑七大夫即公大夫

非七大夫以下皆復

其身及戶勿事

一戶之內皆不徭賦

是歲又令吏民得買爵賈級

千錢

賈讀曰價

○後漢爵亦二等皇子封王其郡為國其列

侯雖鄧冠元勳所食不過四縣為侯國舊制列侯奉朝

請在長安者皆位次三公中興以來唯以功德賜位特

進者次車騎將軍賜位朝侯次五校尉賜位侍祠侯次

大夫其餘以肺腑及公主子孫或奉墳墓亦為猥諸侯

漢官儀曰皇后父兄率為特進侯朝會位次三公故事  
帝啓馬太后曰漢典舅氏之封侯猶皇子之為王其功

臣四姓為朝侯侍祠侯皆在卿校下

明帝為四姓小侯開立學校置五經

師

外戚樊氏郭氏陰氏馬氏諸子弟立學號曰四姓小侯以非列侯故曰小侯禮記曰庶方小侯亦其義也

諸王封者受茅土歸以立社

胡廣曰諸侯受封皆受茅土歸立社稷本朝為宮室

自有制度至於列侯歸國者不受茅土不立宮室各隨貧富裁制黎庶以守其寵

罪侯歸國不

得臣吏民

後漢書曰張安世自昭帝時封為富平侯傳國至八代孫吉無嗣國除經歷篡亂二百年

間未嘗譴黜封者莫與為比

至獻帝建安初封曹操為費亭侯亭侯

之制自此始也二十年曹公始置名號侯至五大夫與

舊列侯關內侯凡六等以賞軍功初漢制皇女皆封縣

公主儀服同列侯其尊崇者加號長公主儀服同藩王

諸王女皆封鄉亭翁主儀服同鄉亭侯

漢諸王女亦謂之翁主漢書謂

齊厲王姊為紀翁主以紀氏所生因以為號

章帝唯特封東平憲王蒼瑯琊

孝王京女為縣公主其後漢安帝姊妹亦封為長公主

同之皇女

蔡邕獨斷曰漢帝子女曰公主儀比諸侯姊妹曰長公主儀比諸侯王

其皇女

封公主者所生之子襲母封為列侯皆傳國於後鄉亭

之封則不傳襲

永初元年鄧太后封清河孝王慶女十一人皆為鄉公主分食邑俸

王國

有傳

如師不臣二千石

相

秩二千石刁曜字子榮為魯相行縣三老執轡學官處士皆乘牛馬隨後

所頃亭傳輒講經袁忠為沛相乘輦車以清亮稱

內史

如郡丞

中尉

郎中令

掌五

大夫郎中宿衛官如光祿勳

僕

主車持書奉使至

謁者

禮樂長

衛士長 醫工長 永巷長 祠祀長 郎中 其紹

封削紕者中尉內史官屬隨亦率減列侯國置相

其秩各如

本縣主治民如令長不臣也但納租於侯以戶數為限

其官隨國大小為增減食

邑千戶以上置家丞庶子各一人

此家臣也使理家事

不滿千戶

則不置家丞舊置行人洗馬門大夫等官又悉省諸公

主各置家令一人

東觀書曰其主薨無子置傅一人守其家

○魏黃初三年

初制封王之庶子為鄉公嗣王庶子為鄉侯公之庶子為亭伯其後定制凡國王公侯伯子男六等次縣侯次

鄉侯次亭侯次關內侯又置名號侯爵十八級關中侯

爵十七級皆金印紫綬關外侯爵十六級銅印龜紐墨

綬五大夫十五級銅印環紐亦墨綬自關內侯皆不食

租虛封爵自魏始而有保 傅 相 常侍 侍郎

郎中令 中尉 大農 文學 友 謁者大夫 諸

雜署令 丞 公主有家令 僕 丞 行夜督郵

王太妃有家令 僕 丞 ○晉亦有王公侯伯子男

六等之封

晉令曰有開國郡公縣公郡侯縣侯伯子男及鄉亭關內關外等侯之爵

唯安平



郡公亭邑萬戶制度如魏諸王其餘縣公邑千八百戶

地方七十五里大國侯邑千六百戶地方七十里次國  
侯邑千四百戶地方六十五里大國伯邑千二百戶地  
方六十里次國伯邑千戶地方五十里大國子邑八百  
戶地方五十里次國子邑六百戶地方四十里男邑四  
百戶地方四十里武帝受禪之初太始元年封建子弟  
為王二十餘人以郡為國邑二萬戶為大國置上中下  
三軍兵五千人邑萬戶為次國置上軍下軍兵三千人

邑五千戶為小國置一軍兵千五百人王不之國宮於

京師罷五等之制公侯邑萬戶以上為大國五千以上

為次國不滿五千戶為小國初雖有封國而王公皆在

京都咸寧三年詔徙諸王公皆歸國

時楊珧荀勗以齊王攸有時名懼惠

帝有後難乃追故司空裴秀立封建之旨遂詔王公悉令歸國

更制戶邑皆中尉領兵

其平原汝南瑯琊扶風齊為大國梁趙樂安燕安平義

陽為次國其餘為小國皆制所近縣益滿萬戶又為郡

公制度如小國王亦中尉領兵郡侯如不滿五千戶王

置一軍千一百人亦中尉領之於時唯特增魯國公戶  
邑追進封故司空博陵公王沈為郡公鉅平侯羊祜為  
南城郡侯又南宮王承隨王萬各於泰始中封為縣王  
邑千戶至是改正縣王增邑為三千戶制度如郡侯亦  
置一軍自此非皇子不得為王而諸王之支庶皆皇家  
之近屬至親亦各以土推恩受其大國次國始封王之  
支子為公承封王之支子為侯繼承封王之支子為伯  
小國五千戶始封王之支子及始封公侯之支子皆為

男非此皆不得封其公之制度如五千戶國侯之制度如不滿五千戶國亦置一軍千人中尉領之伯子男以下各有差而不置軍大國始封之孫罷下軍曾孫又罷上軍次國始封之孫亦罷下軍其餘付以一軍為常大國中軍二千人上下軍各千五百人次國上軍二千人下軍千人其末之國大國置守士百人次國八十人小國六十人郡侯縣公亦如小國制度既行所增徙各如本奏

既遷就國而諸公皆總京師涕泣而去及吳平後齊王攸遂之國

凡名山大澤不

以封鹽鐵金銀銅錫始平之竹園別都宮室園圃皆不

為屬國其仕在天朝者與之國同皆自選其文武官

晉齊

王攸國相上長史缺典書令請求差選攸下令曰官人叙才皆朝廷之事非國所宜裁也其令自上請之又當時王家人衣食皆出御府攸乃表租秩足自供遂求絕之諸入作卿士而其世子年

已壯者皆遣蒞國其王公侯以下茅社符璽車旗命服

一如太始故事凡王金印龜紐練朱綬遠遊三梁冠絳

紗朝服佩山元玉

開國郡公縣公金章皂朱綬綬郡侯青朱綬同進賢三梁冠絳朝服佩山

元王開國縣侯伯子男金章朱墨綬冠王亦同

初武帝踐祚封宣帝孫永為東

莞郡王始置二卿侯以下置官屬隨國大小無定制諸

侯並三分食一○東晉元帝太興元年始置九分食一

元帝以西陽王羨屬尊元會特為設牀明帝以羨皇室

元老特為之拜成帝詔羨依安平獻王孚故事設牀帳

於殿上帝親迎拜王國有傳傳即師也以景帝諱故曰傳武帝初置亦謂之師山公啓事曰王楙

為燕友武帝初置一人蓋因典書令丞掌國教令職官錄曰漢制本曰

尚書改為治書國諱又改文學人郎中令中尉大

為典書至晉武置典書令

農此為左右常侍一人掌贊相獻替內史改太守為

書曰改國將軍大國上中下軍三將軍次國上下典祠

相為內史將軍二軍將軍各一人小國上軍而已

典衛 學官令 治書中尉 司馬 世子庶子陵

廟牧長 謁者 中大夫 舍人 典府等其後省相

及僕省郎中置侍郎二人 初晉武帝輔魏政阮籍常言於帝曰平生曾遊東平樂其

風土即拜為東平相籍乘驢到郡壞府舍 公侯以下國

官屬遞減 晉書曰詔以壽光公鄭冲及朗陵公何曾國皆置郎中令又曰元帝初渡江即晉王位諸

參軍奉車都尉掾屬者百餘人時人謂之百六掾 ○宋氏一用晉制唯大小國

皆有三軍自明帝以後皇子皇弟雖非都督亦置記室  
參軍小號將軍為大郡邊守置佐吏者又不置長史餘

則同矣凡王子為侯者食邑皆千戶諸王世子皆金印  
紫綬進賢兩梁冠佩山元玉初江夏王義恭為孝武所  
忌憂懼故奏革諸侯廳事不得南向坐國官正冬不得  
跣登國殿及夾侍障扇不得雉尾劔不得鹿盧形但馬  
不得過二諸侯常行車前後不得過六隊

白直夾轂  
不在其限力

不得過銀銅為飾諸王子繼體為王者婚葬吉凶悉依  
諸國公侯之禮不得同皇弟皇子諸王女封縣主諸王  
子孫襲封之王妃及封侯者夫人並不得用鹵簿詔可



王國有師

改傳為之

自內史相記室以下官多與晉同

孔凱字思

遠為江夏內史好酒多醉而明曉政事咸曰一月二十九日醉勝他人二十九日醒又有辭記室參軍箋曰記室之要須通才敏思性情縝密者為之凡郡縣內史相並於國主稱臣去

任便止孝武孝建中始革此制不得追敬不得稱臣止

宜云下官而已

劉邕嗣封南康侯河東王歆之嘗為南康國相素輕邕後俱元會邕性嗜酒謂

歆之曰卿昔嘗具臣今不能勸一盃酒乎歆之效孫皓歌答之曰昔為汝作臣今與汝比肩既不勸汝酒亦不

願汝

公主有傳令傳令不得朱服

不得朱服亦江夏王所奏

○齊封

爵史闕

齊竟陵王子良開西邸延才俊以為士林自永明末京邑士人盛為文章談議皆湊於西邸

王國有師

王琨為武陸王師時王儉為宰相屬琨用東海迎吏琨謂使人曰語郎三台五省皆是郎

用人外方小郡當乞寒賤者官何容復奪之遂不果其事

諮議

張岱字景山歷臨海章郡晉安三王府諮

議三王行事事舉而情得

文學等官

齊永明元年竟陵王子良表置文學官

公侯置郎

中令卿一人餘與晉宋同○梁封爵亦如晉宋之制諸

王皆假金獸符第一至第十九諸公侯皆假銅獸符竹

使符第一至第五名山大澤不以封鹽鐵金銀銅鐵錫

及竹園別都宮室園囿皆不以屬國諸王言曰令境內

稱之曰殿下公侯封郡縣者言曰敎境內稱之曰第下

自第下稱皆曰寡人相以下公文上事皆詣典書世子  
主國其文書表疏儀式如臣而不稱臣文書下郡官皆  
言告諸王公侯國官皆稱臣上於天朝皆稱陪臣有所  
陳皆曰上疏其公文曰言事

梁南平元襄王偉好學重士四方遊士當世知名者

莫不畢至齊世有清溪宮改為華林苑賜偉為宅  
穿築種植與賓客遊其中梁世藩邸之盛無過

五等

諸公位視三公班次之開國諸侯位視孤卿重號將軍  
光祿大夫班次之開國諸伯位視九卿班次之開國諸  
子位視二千石班次之開國諸男位視比二千石班次

之王國置傳相

公以下則臺各為選置之皆掌知百姓事

郎中令

將軍

常侍

典書令

典衛長

伯子無典衛

典祠以下自選備上

諸官多同前代若王加將軍開府則置長史司馬

及記室掾屬

祭酒

主簿

錄事等官屬

張綰字孝卿自中軍

宣城王長史徙御史中丞武帝使宣旨曰為國之急唯在執憲直繩用人本不限升降晉宋代周閔蔡廓並以侍中為之卿勿疑是左遷時

嗣王則唯置郎中令

中

尉

常侍

大農

藩王則無常侍制與後漢同

陳

置九等公主有家令之制郡有王嗣王藩王開國郡縣

公開國縣侯開國縣伯開國縣子開國縣男沐食侯鄉  
亭侯關內侯關外侯鄱陽王之封也遣度支尚書蕭睿  
持節兼太宰告於太廟五岳尚書王質持節兼太宰告  
於太社凡親王起家則為侍中若將軍方得有佐吏無  
將軍則無府止有國官皇太子子冢嫡者封王依諸王  
起家餘子並封公起家中書郎諸王子並諸侯代子起

家給事

王公子起家員外散騎侍郎令僕子起家祕書郎若員滿亦為版法曹雖高半階資給祕書郎

下次令僕子起家著作佐郎亦為版行參軍此外有揚州主簿太學博士國常侍奉朝請嗣王行參軍並起家

官未合  
發詔

皇弟皇子府置師長史司馬從事中郎

諮議參軍友掾屬記室等官其嗣王藩王府

則遞減之王國置郎中令將軍常侍典祠令

舍人等官其嗣王藩王則遞減其員

諸王公參佐等官仍為清濁或為選

司補用亦有府牒拜授者不拘年限去留隨意在府之日唯賓遊宴賞時復循參更無餘事若隨府王在州其僚佐等或亦得預催督若其驅使便有職務其衣冠子弟多自修立非氣類者惟利是求暴物亂政皆此之類

○後魏道武皇始元年始封五等至天賜元年減五等之爵始分為四曰王公侯子除伯男之號皇子及異姓

元功上勲者封王皇族及始藩王皆降為公諸公降為侯子亦比為差於是封王者七十人公者二十二人侯者七十九人子者百有三人王封大郡公封小郡侯封大縣子封小縣其後復加伯男焉孝文太和十八年詔凡王公侯伯子男開國食邑者王食半公三分食一侯伯四分食一子男五分食一舊制諸鎮將刺史假五等爵及有所貢獻而得假爵者皆得世襲延興二年詔革此類不得世襲又舊制諸以勲賜官爵者子孫世襲并

襲軍號後改降五等始革之止襲爵而已凡公主皆嫁

於賓附之國朝臣子弟雖名族美彥不得尚焉

後魏道武帝因

見漢書婁敬說高帝欲以魯元公主妻匈奴良久故立此制又江陽王女卒虛太后詔贈鄉主

諸王侯

亦各有師

友

文學

侍郎

掾屬

舍人等官

時王

國舍人應取八族及清修之門咸陽王禧乃取任城王隸戶為之深為孝丈所責

公主有家令

丞

高平公主薨欲使公主家令居廬制服太常博士常景曰婦人無專國之理婦人為君男子為臣古禮所

不載則家令不得純臣公主不得為正君明矣乃寢

○北齊有王公侯伯子男六

等之爵王位列大司馬上非親王則在三公下封內之



調盡以入臺三分食一公以下四分食一王置師一人  
餘官大抵與晉宋梁制不異公主則置家令丞等官○

後周制封爵郡縣亦有公侯伯子男五等爵者皆加開  
國授柱國大將軍開府儀同者並加使持節大都督皇  
弟皇子置友及學士等員外餘吏闕聞○隋開皇中制

國王郡王國公郡公縣公侯伯子男凡九等

樊子蓋進爵封為濟

公言其公濟天下特為立名無此郡國

至煬帝唯留王公侯三等餘並廢

之皇伯叔昆弟皇子是為親王及大長公主長公主皆

置官屬親王置師友文學長史司馬諮議

掾主簿錄事功曹記室戶倉兵騎法士等

曹參軍東西閣祭酒參軍事典籤等員嗣王則無

師友諸王公以下置官屬各遞減煬帝更名王府參軍為諸司書佐

屬參軍則直以屬為名改國令為家令餘以國為名者

皆去之諸公主各置家令丞主簿謁者舍人

等員郡主唯無主簿○大唐高祖初受禪以天下未定

廣封宗室從弟及姪年始孩童者數十人皆封為郡王

太宗即位問侍臣曰徧封宗子於天下便乎尚書右僕射封德彞對曰不便歷觀往古封王者今日最多兩漢以降惟封帝子及親兄弟若宗室疎遠者非有大功如周之郇滕漢之賈澤並不得濫叨名器所以別親疎也先朝敦睦九族一切封王爵命既崇多給力役蓋以天下為私殊非至公馭物之道也太宗然之曰理天下本為百姓非欲勞百姓以養己之親也於是率以屬疎降爵惟有功者數人得王餘竝封縣公貞觀二年十二月

太宗謂公卿欲使子孫長久社稷永安其理如何尚書  
右僕射宋國公蕭瑀對曰臣觀前代國祚所以長久者  
莫不封建諸侯以為磐石之固秦并六國罷侯置守二  
代而亡漢有天下參建藩屏年踰四百魏晉廢之不能  
永久封建之法實可遵行始議列土之制禮部侍郎李  
百藥上議大畧曰自古皇王君臨宇內莫不受命上元  
飛名帝籙締構遇興王之運殷憂屬啟聖之期魏武攜  
養之資漢高徒役之賤非止意有覬覦推之亦不能去

也若其獄訟不歸菁華已竭雖帝堯之光被四表大舜之上齊七政非止情存揖讓守之亦不可固焉以放勳重華之德尚不能克昌厥後是知祚之長短必在天時政或盛衰有關人事宗周卜代三十卜年七百雖淪胥之道斯極而文武之器猶在斯則龜鼎之祚已懸定於杳冥也而著述之家多守常轍莫不情忘今古理蔽澆淳欲以百王之季行三代之法也謂琢琬成朴以質代文刑措之教一行登封之禮云畢然後定疆理之制議

山河之賞未為晚焉中書侍郎顏師古又論大畧曰臣  
愚以為當今之要莫如量其遠近分置王國均其戶邑  
强弱相濟畫野分疆不得過大間以州縣雜錯而居互  
相維持永無傾奪使各守其境而不能為非協力同心  
則足扶京室特進魏徵又議大畧曰自隋氏亂離百殃  
俱起黎元塗炭十不存一始蒙聖帝敷至仁以流元澤  
沐春風而霑夏雨一朝棄之為諸侯之隸衆心未定或  
致逃亡其未可一也既立諸侯當建社廟禮樂文物儀

衛左右頓闕則理必不安廡修則事有未暇其未可二也大夫卿士咸資祿俸薄賦則官府困窮厚斂則人不堪命其未可三也王畿千里征稅不多至於貢賦所資在侯甸之外今竝分為國邑京師府藏必虛諸侯朝宗無所取給其未可四也今燕秦趙代俱帶蕃夷黠羌旅拒匈奴未滅追兵內地遠赴邊庭不堪其勞將有他變難安易動悔或不追其不可五也六年監察御史馬周上牋大畧如李百藥謂宜賦以茅土疇其戶邑必有材

行隨器方授則雖其翰翮非強亦可以獲免尤累昔漢光武不任功臣以吏事所以終全其代者良得斯術也

願陛下深思其宜使夫得奉天恩而子孫終其福祿也

十一年六月詔荆王元景等二十一王為諸州都督刺

史咸令子孫代代承襲非有大故無或黜免其後竝不

願行乃止後定制皇兄弟皇子為王皆封國之親王

龍朔

二年制諸王子嫡者封郡王任職從四品下敘其衆子封郡公從五品上敘貞觀中王珪奏曰三品以上遇親王於塗皆降乘違法申敬有乖儀准太宗曰卿皆自尊而卑吾子乎魏徵曰自古迄今親王班次三公之下今



三品皆天子列卿及八座之長為

王降乘非王所宜當也詔從之親王府各置官屬

凡府

官國官王未出閣則皆不置

領親事帳內二府及國官太子男封郡

王其庶姓卿士功業特盛者亦封郡王

自至德元年至大歷三年封異

姓為王者凡百一十二人

其次封國公其次有郡縣開國公侯伯子

男之號亦九等並無官土其加實封者則食其封分食

諸郡以租調給

自武德至天寶實封者百餘家自至德二年至大歷三年食實封者二百六十

五家凡食四萬四千八百六十戶

十六年制王府官以四考為限

高宗時滕

王元嬰江王元祥蔣王輝號王鳳俱以貪暴為史人所患  
有授其府官者皆比嶺外荒裔為之語曰寧向儋崖

象白不事  
江滕蔣號 嗣聖二年初置公府官員武太后天授二年

又置皇孫官員皇姑為大長公主  
後亦謂之 姊為長公

主女為公主皆封國視正一品  
常樂長公主者高祖之女壽州刺史趙瓌妻也

武太后初臨朝越王貞欲舉事瓌遣使許以兵應之公主謂其使曰為我報越王與其進不與其退汝郡王儻男子也當不黜至今不動及貞敗主亦遇害也 太子女為郡主封郡視從一品

親王女為縣主封縣視正二品凡諸王及公主皆以親為尊皇之昆弟妹先拜於皇子上書稱啟神龍初下詔革之二年閏正月勅公主府設官屬鎮國太平公主儀

比親王長寧安樂唯不置長史餘並同親王宜城新都  
定安金城等公主非皇后生官員減半其金城公主以  
出降吐蕃特宜置司馬至景龍四年六月停公主府依  
舊邑司

時安樂公主中宗女恃寵驕恣欲皇后臨朝冀  
得自立為皇太女遂同謀鴆弑既誅廢為庶人

景雲元年六月勅公主置府近有勅總停其太平公主

有崇保社稷功其鎮國太平公主府即宜依舊

酸棗縣尉袁楚

客奏記於中書令魏元忠曰女在內男在外男女有別  
剛柔分矣中外斯隔陰陽著矣豈可相濫哉然而幕府  
昔大夫之職非婦人之事今諸公主並開建府僚崇置  
官秩若以女家處男職所謂長陰而抑陽也而望陰陽

不憊風雨無爽其可乎竊謂非致遠之計非久安之策  
書曰事不師古以克永世匪說攸聞此之謂也君侯不  
正誰正  
之哉  
開元四年三月制諸封國自始封至曾孫者其

封戶三分減一十年加永穆公主封千戶

初永穆等各封五百戶左

右以為太薄上曰夫百姓祖賦者非吾有也斯皆宗廟  
社稷蒼生是為爾邊隅戰士出萬死不顧一生所賞賜  
纔不過一二十疋此輩何功於人頓食厚封約之使知  
儉嗇不亦可乎左古以長公主皆二千戶請與比上曰  
吾嘗讀後漢書見明帝曰朕子不敢望先帝子車服下  
之吾未嘗不廢卷歎息如何欲令此輩望長公主乎左  
右不敢復言至是公主等車服不給故  
加焉自後公主皆封千戶遂成其例  
凡諸王及公主

以下所食封邑皆以課戶兗州縣與國官邑官共執文

帳准其戶數收其租調均為三分其一入官其二入國

公所食邑則全給焉二十年五月勅諸食邑實封並以

三丁為限不須一分入官其物仍令封隨庸調送入京

親王府置傅一人

師範輔導參議可否初置王師景雲二年改為傅

諮議參軍

一人

匡正幕府詔謀庶事

友一人

陪隨左右拾遺補缺

文學二人

修撰文章讐校經史

東西閣祭酒各一人

接引賓客

長史司馬各一人

通判掾一人

通判功倉

屬一人

通判兵騎法士四曹

主簿一人

覆省

記室參軍

戶三曹

二人

掌表啓書疏宣行教命

錄事參軍一人

受事勾檢

功曹倉曹戶曹

兵曹法曹士曹等參軍各一人

各有所主

參軍二人行參軍

四人

掌出使及雜檢校

典籤二人

宣傳教命

親事府置典軍副典軍

各二人

掌守衛陪從

執仗親事

執弓力衛從

執乘親事各十六人

供進騎乘親事三百三十三人帳內府置典軍副典軍各三

人

掌儀衛陪從兼知鞍馬等

帳內六百六十七人親王國

施行公文准等晉式

嗣王以下

國令一人大農二人

通判國司

尉二人

分判

丞一人

監印

小吏有差若府主薨則諸府佐視事帳內過葬追

退

雖無妻子亦准此

其國官聽終喪

若有襲爵者聽其迴事

諸公主邑司

有家令丞錄事各一人

並隸宗正寺  
出降者不置

通典卷三十一



欽定四庫全書會要卷九千一百五十

史部

通典卷三十二

唐京兆杜佑君卿纂

職官十四

州郡上

司隸校尉

司隸周官也掌五隸之法辨其物而掌其政令

五隸謂  
罪隸四

翟之隸也物謂  
衣服兵器之屬

帥其民而捕盜賊○漢武帝征和四年

初置司隸校尉持節從中都官徒千二百人

中都官京師諸官府

捕巫蠱督大姦猾

督謂察視之

後罷其兵察三輔三河弘農

晉志曰漢武帝初置十三州刺史各一人又置司隸校尉察三輔三河弘農七郡

元帝初元四

年去節後諸葛豐為司隸又加節尋復去之司隸去節

自豐始也

諸葛豐為司隸無所迴避京師語曰間何濶逢諸葛言間者何久濶不相見以逢諸葛故

也侍中許章以外屬貴幸賓客犯法與章相連豐欲劾奏適逢章出豐駐車舉節招章曰下欲收之章馳去豐

奔車逐之章突入殿得免因此成帝遂收豐節

成帝元延四年省至綏和二年

哀帝復置但為司隸

除校尉字

冠進賢冠屬大司空比司直

司隸掌察皇太子以下行馬內事皆主之專道而行專

席而坐初除皆謁兩府

兩府謂丞相御史也惟消勲初為司隸不肯謁丞相御史大夫

後為翟方進奏免又漢書曰鮑宣字子都明經為司隸丞相孔光行園陵官屬行馳道中宣使斂止丞相掾史沒入其車馬摧辱宰相事下御史中丞官欲捕從事閉門不納宣坐閉拒使者大不敬下獄博士弟子王咸舉幡太學下曰欲救鮑司隸者會此下諸生會者千餘人朝日遮丞相孔光自言丞相車不得行宣罪減死一等列異記曰自宣至子永孫昱俱為司隸校尉其為公皆復乘驄馬京師歌之曰鮑氏驄三入司隸再入公馬雖疲行步工又王駿為司隸校尉奏免丞

相匡衡又蓋寬饒為司隸亦無所迴避

○後漢復為司

隸校尉所部河南尹河內右扶風左馮翊京兆尹河東

弘農凡七郡治河南洛陽

北齊書曰後漢凡皇族不得典三河蓋忌其親而惜形迹

之無所不糾唯不察三公

後漢江馮上言宜令司隸校尉督察三公陳元議以為不

宜使有司省  
察公輔乃止  
廷議處九卿上朝賀處公卿下

鮑永為司隸鮑恢為

都官從事並不避強禦詔策曰貴戚且當斂手以避二  
鮑鮑永子昱復為司隸初拜使封胡降檄光武遣問昱  
曰有所怪否對曰臣聞故事通官文書不著姓又當司  
徒露市怪使司隸下書而著姓也上曰吾欲令天下知  
忠臣之子復為司隸又中常侍王甫曾節等用事尚書  
令陽球常唾手拊髀曰當令陽球作司隸此輩取爾後  
乃拜司隸球列車騎導從當入司隸府雒陽捕賊掾皆  
故墨綬公府掾孝康也邀見道側球怒曰雒陽都邑吏  
當得熊虎取搏噬者乃用鼯鼠當校尉車耶不足汗鞭  
杖且舉撲之於是威風振烈明日詣闕謝恩遂奏勅王

甫自臨拷父子皆死於杖下乃磔甫屍署曰賊臣王甫於是權門股慄皆雀目鼠步曹節見甫屍乃收淚入言球罪帝徙為衛尉球叩頭曰願假臣一月必令豺狼鷃鴟悉伏其辜又李膺字元禮拜司隸校尉張讓弟朔為野王令貪殘無道畏膺而逃藏讓舍柱中膺率將吏破柱取朔付獄殺之讓訴寃於帝帝召讓膺膺曰昔仲尼為魯司寇七日而誅少正卯今臣到官已積旬懼以淹流為讐不意獲速疾之罪乞留五日克殄元惡帝謂讓曰汝弟之罪也自是宦官屏氣休沐不敢復出帝問其故並叩頭泣曰畏李司隸

凡司隸屬官

有從事史十二人其都官從事史至為雄劇主察百官

之犯法者

胡騰字子升辟荊州部南陽從事過桓帝南巡至南陽千騎萬乘呼召求索不可堪騰奏

曰天子無外乘輿所在即為京師請荊州刺史比司隸臣比都官從事南陽守比河南尹宛令比雒陽令許之

於是大將軍亡馬西曹掾召騰騰乃作都官從事  
鵠頭召掾掾乃覺膝行辭謝由是不敢輒有呼召○魏

晉司隸與二漢同

劉聰僭號置左右司隸

司隸於端門外坐在諸

卿上絕席其入殿按本品秩在諸卿下不絕席

魏鍾會為司隸

雖在外司時政損益當世與奪無不畢綜晉諸公贊云  
劉毅字仲雄為司隸奏太尉何曾尚書劉實父子及羊  
琇張佗等所犯狼籍司郡守令事相連及觀風初以司  
投印綬者甚衆皆以為毅能繼諸葛豐蓋寬饒

隸官屬制置如州儀而俗稱之司州

見太康記

及魏晉乃以

京輔所部定名置司州以司隸校尉統之及東晉渡江

罷司隸校尉官變其職為揚州刺史○後魏北齊為司

州牧○後周有司隸下大夫掌五隸及徒者捕盜賤囚  
執之事屬大司寇○隋初有雍州牧後煬帝置司隸臺  
有大夫一人掌諸巡察薛道衡為司隸大夫別駕二人  
分察畿內一人按東都一人按京師後又罷司隸臺裴蘊  
為御史大夫欲重已權令虞世基奏罷司隸刺史以下官屬而留司隸從事之名不  
為常員臨時選京官清明者權攝以行○大唐無司隸  
校尉而有京畿採訪使亦其職也

## 州牧刺史

黃帝立四監以治萬國唐有九州舜置十二州州有牧  
○夏為九州牧○殷周八命曰牧○秦置監察御史○  
漢興省之至惠帝三年又遣御史監三輔郡察詞訟所  
察之事凡九條監者二歲更之常以十月奏事十二月  
還監其後諸州復置監察御史文帝十三年以御史不  
奉法下失其職乃遣丞相史出刺并督監察御史武帝  
元封元年御史止不復監至五年乃置部刺史掌奉詔  
六條察州凡十二州焉

漢制刺史以六條問事非條所問即不省一條強宗豪古田宅



踰制以強凌弱以衆暴寡二條二千石不奉詔書遵承典制背公向私旁詔守利侵漁百姓聚斂為姦三條二千石不卹疑獄風厲殺人怒則任刑喜則任賞煩擾刻暴剝截黎元為百姓所疾山崩石裂妖祥訛言四條二千石選署不平苟阿所愛蔽賢寵頑五條二千石子弟恃怙榮勢請託所監六條二千石違公下比阿附豪強通行貨賂割損正令

居部九歲舉為守相成帝綏和元年以為刺

史位下大夫而臨二千石輕重不相準乃更為州牧秩

真二千石位次九卿九卿缺以高第補

是時何武與翟方進奏曰古選

諸侯賢者以爲州伯今部刺史居牧伯之位選第大吏所薦位高至九卿所惡立退任重職大春秋之義用貴理賤不以卑臨尊刺史位下大夫而臨二千石輕重不相準請罷刺史更置州牧以應古制奏可

哀帝

建平二年復為刺史

時朱博又奏曰漢家立置郡縣部刺史奉使典州督察郡國吏人安

寧故事居部九歲舉為守相其有異材功效著者輒登擢秩卑賞厚咸勸功樂進今增秩為牧以高第補九卿其中材則苟自守而已恐功效陵夷姦宄不禁臣請罷牧置刺史如故奏可

元壽二年復為

牧

何武字君公為揚州刺史舉奏二千石吏必先露章服罪者為虧除免之而已不復極法九江太守戴聖

治行多不法前刺史以其大儒多優容之武使從事廉得其罪聖懼自免後毀武於朝武聞之終不揚其惡黃霸為揚州刺史治有績漢宣詔賜車特高一尺別駕主簿緹紬屏泥於戟前以彰有德

○後漢光

武建武十八年復為刺史外十二州各一人其一州屬

司隸校尉漢刺史乘傳周行郡國無適所治中興所治

有定處舊常以八月巡行所部常以秋分行部郡國各遣二吏迎之界上錄

囚徒考殿最

不稱職者為殿其有能者為最

初歲盡詣京都奏事中興

但因計吏不復自詣京師

建武十一年初斷州牧自還奏事

雖父母之

喪不得去職

元嘉元年初聽刺史二千石行三年服延熹二年復斷之

或謂州府為

外臺

謝夷吾為荊州刺史第五倫薦之曰尋功簡能為外臺之表聽察聲實為九伯之冠

靈帝中

平五年改刺史唯置牧是時天下方亂各欲據有

州郡而劉焉劉虞竝自九卿出領州牧州牧之任自此

重矣舊制州牧奏二千石長吏不任位者事皆先下三

公三公遣掾史按驗然後黜退光武即位用法明察不

復委三府故權歸舉刺之吏

李膺為青州刺史守令畏威明聞風棄官郭伋字細

侯再為并州請州中雄俊以為師友朝夕參政分祿以養之初行部到美稷數百小兒騎竹馬迎送問使君何日還仍令別駕計日告之及還入美稷先期一日仍即止野亭須期乃往又种嵩字景伯為梁州被徵還吏民詣闕復留一年還漢陽太守戎夷男女至界共相辭十里不得乘車又賈琮字孟堅為交趾刺史時州人反琮到乃安巷路歌曰賈父來晚使我先反今見清平吏不敢飯還冀州舊典傳車驟駕垂赤帷裳琮曰刺史當遠視聽反自掩塞乎乃令塞之百城聞風振悚又百里嵩為刺史州早傳車所經甘雨必注又郭賀字喬卿為荊州百姓歌曰嚴德仁明郭喬卿帝賜三公之服去襜露冕使百姓見之以彰有德又周乘為交趾刺史舉奏二

郡穢濁太守屬縣解印綬棄官者四十餘城又  
韋康代父為荊州父出止傳康入官時人榮之 ○魏晉

為刺史任重者為使持節都督輕者為持節皆銅印墨  
綬進賢兩梁冠絳朝服領兵者武冠而晉罷司隸校尉

置司州江左則揚州刺史

魏賈逵字梁道為荊河州刺史逵曰州本監郡謂察二千

石以下其狀皆言嚴能鷹揚有督察之才不言安靜寬  
仁有愷悌之德也於是如法者皆奏免之帝曰逵真  
刺史也布告天下當以荊河州為法當陽侯杜元凱為  
荊州人號為杜父舊水道惟沿漢達江陵千數百里君  
乃開陽口起夏水導洪洞達巴陵徑近千餘里南土美  
而謠曰後世無叛由杜翁孰識智名與勇功又吳隱之  
召為廣州州界有貪泉父老云飲此水使廉士變貪隱  
之先至水酌而飲之賦詩曰古人云此水一飲重千金

若使夷齊飲終當不易心自魏以來庶姓為州而無將軍者謂之單

車刺史

庶姓謂非帝族

凡單車刺史加督進一品都督進二品

不論持節假節晉制刺史三年一入奏

甲午詔書曰刺史銜命國之外

臺其非所部而在境者刺史并糾之

○宋與魏同○梁刺史受之明日辭

宮廟而行皆持節

梁蔡道恭字懷儉出為使持節右軍將軍司州刺史後魏圍司州會道恭

病篤呼其兄弟及諸將曰以死固節無令吾沒有遺恨令取所持持節曰稟命出壇憑此而已既不還朝欲與同

誓可與棺柩相隨也又何允字子季為建安太守民不忍欺伏臘放囚還家及期而至又安成康王秀都督雍

梁南北秦四州諸軍事雍州刺史有疾百姓商賈咸為請命既薨四州人裂裳為白帽哀哭送迎又夏侯亶字

世龍弟夔字季龍並任荊河州刺史州人歌曰於之有州任仍夏侯前兄後弟布政優優○後魏天

錫二年又制諸州置三刺史皇室一人異姓二人比古

之上中下三士也郡置三太守縣置三令長孝文太和

中次職令

具官品篇上黨王天穆世襲并州刺史入李崇為并州州舊多劫盜崇乃村置一樓樓懸

一鼓盜發則擊之俄頃之間聲市百里遂多擒獲諸州鼓樓自崇始

○自後魏北齊則司

州曰牧而北齊制州為上中下三等每等又有上中下

之差自上上州至下下州凡九等○後周則雍州曰牧

而制刺史初除奉辭之日備列鹵簿凡總管刺史則加

使持節諸軍事以此為常及蘇綽為六條之制初文帝

秉魏政令百官誦習其牧守令長非通六條及計帳者

不得居官

六條之制其畧曰其一先治心心不清淨則思慮妄生見理不明是以治民之要在於清

心而已其二敦教化其三盡地利其四擢賢良其五恤獄訟其六均賦役

靜帝大象元年詔

總管刺史及行兵者加持節餘悉罷之○隋雍州置牧

餘州並置刺史亦同北齊九等之制總管刺史加使持

節至開皇三年罷郡以州統縣自是刺史之名存而職

廢

後雖有刺史皆太守之互名理一郡而已非舊刺史之職按魏置使持節寵奉使官之任隋氏廢郡而以



刺史牧人既非使官則合罷持節之稱其時制置不以名實相副為意仍舊存之後改為太守亦復不省所以使持節之名及於邊遠刺史縣令三年一遷諸有兵處小郡乃不徵典故之失

則刺史帶軍事以統之煬帝乃別置都尉領兵兵不屬郡十四年改九

等州縣為上中下凡三等劉仁恩為毛州刺史治績號天下第一擢拜刑部尚書

煬帝大業初復罷州置郡為司隸臺大夫一人巡察畿

內又有司隸刺史房彥謙嘗為之其刺史十四人巡察畿外諸郡亦有

六條之制與漢六條不同從事四十人副刺史巡察每年二月

乘軺巡郡縣十月入奏○大唐武德元年罷郡置州改

太守為刺史而雍州置牧至神龍二年二月分天下為

十道置巡察使二十人

一道二人

以左右臺及内外官五品

以下堅明清勁者為之兼按郡縣再暮而代至景雲二

年改置按察使道各一人開元十年省十七年復置二

十二年改置採訪處置使

其有戍旅之地即置節度使仍各置印天寶九年三月勅

本置採訪使令舉大綱若大小必由是一人兼理數郡自今以後採訪使但訪察善惡舉其大綱自餘郡務所

有奏請竝委郡守不須干及

理於所部之大郡

至德之後改採訪使為觀察觀察皆并領

都團練使其僚屬隨事增置分天下為四十餘道大者十餘州小者二三州各因其山川區域為制諸道增減

不恒使名沿革不一舉其職例則皆古之刺史云

總論州佐

別駕治中

主簿典郡書佐

功曹書佐祭酒從事

部

中正

州之佐吏漢有別駕治中主簿功曹書佐簿曹

簿曹從事史主

錢穀簿書

兵曹

兵曹從事史有軍事則置之以主兵馬

部郡國從事史典郡書

佐等官

又有孝經師主監試經月令師主時節祠祀律令師主平法律

皆州自辟除通

為百石

又後漢書或云秩六百石

職與司隸官屬同唯無都官從事

漢魏之際復增祭酒文學從事員晉又有武猛從事員

其州邊遠有山險寇賊者置弓馬從事五十人歷代職員互相因襲雖小有更

易而大抵不異○自魏晉以後刺史多帶將軍開府則

州與府各置僚屬州官理民

別駕治中  
以下是

府官理戎

長史  
司馬

等官

○後魏舊以州牧親人班九條之制使前政選吏

以待後人獻文帝革制刺史守宰到官之日仰自舉擇

以為選官若簡任失所以罔上論自孝明孝昌以後四

方多難刺史太守皆為當部都督雖無兵事皆立僚佐

頗為煩擾高隆之乃表請自非邊要見有兵馬者悉皆

斷之○北齊上上州刺史屬官佐吏合三百九十三人

以下州遞減十人其州郡佐吏皆州府辟除及後主失

政賜諸佞幸賣官分州郡下逮鄉官多降中旨故有勅

用州主簿郡功曹者○後周刺史府官則命於天朝州

吏并牧守自置至隋以州為郡無復軍府則州府之吏

變為郡官矣○大唐無州府之名而有採訪使及節度

使節度使說在都督篇採訪使有判官二人分判尚書六行事及州縣簿書支使

二人分使出入職如推官一人推鞠獄訟皆使自辟召然後

上聞其未奉報者稱攝

其節度防禦等使察佐辟奏之例亦如之

今舉州之

舊職以列於左

舊職謂隋以前官職

別駕從事史一人從刺史行部別乘傳車故謂之別駕

漢制也歷代皆有

後漢周景為荊河州辟陳蕃為別駕蕃不就景題別駕輿曰陳仲舉座不

復更辟蕃惶恐起視職袁紹領冀州以審配為別駕委以腹心并總幕府紹又以田豐為別駕豐勸迎天子紹不納及敗曰吾慙田別駕晉王祥為徐州別駕以股肱之忠糾合義眾州境獲寧人歌曰海沂之康實賴王祥邦國不空別駕之功烈士傳曰孔恂字巨卿為別駕車舊有屏星如刺史車刺史因怒欲去別駕車屏星恂曰徹去屏星毀國舊儀別駕可去屏星不可省乃止管寧集辟文云州民管誕燕雀之賤棲朝桐之華別駕者明

君之羽翼宜得英儒王丞相集有教曰顧和理識清敏  
助今端古宜得其才以為別駕庾亮集答郭豫書云別  
駕舊與刺史別乘同流宣王化於萬里其任居刺史之  
半梁時別駕官品揚州視黃門郎南徐州視散騎常侍  
隋及大唐竝為郡官

說在郡佐後

○治中從事史一人居中

治事主衆曹文書漢制也歷代皆有

蜀龐統以從事守耒陽令不治屯官

魯肅遺先主書曰龐士元非百里之才使處治中別駕  
之任始當展其驥足耳乃以為治中晉郝鑒為治中又  
車胤為桓溫治中有會不同溫輒云無車公不樂梁陸  
襄宇師卿為揚州治中襄父終於此官乃固辭武帝許  
聽與府司馬換解居之

隋為郡官大唐改為司馬

說在郡佐後

○主簿

一人錄門下衆事省署文書漢制也歷代至隋皆有

晉習

鑿齒字彥威為桓溫荊州主簿親遇深密時語曰徒三千年看儒書不如一詣習主簿

○功曹書

佐一人主選用漢制也其司隸功曹從事史兼錄衆事

應劭漢百官表曰司隸功曹從事即州治中從事也晉以來改功曹為西曹書佐

宋有別駕西曹主吏及選舉即漢之功曹書佐也○部

郡國從事史每郡國各一人漢制也主督促文書舉非

法後漢橋玄字公祖為梁縣功曹荊河州刺史周景行部到梁國玄謁景因伏地言陳相羊昌罪惡乞為部

郡從事窮理其罪景壯玄意即署遣之玄到具考贓罪梁冀馳檄救之景承旨召玄還檄至不發按之益急昌坐檻車徵玄由是著名又朱震字伯厚為州從事奏濟陰太守單匡贓罪三府諺曰車如鷄棲馬如狗疾惡如



風朱伯厚

○典郡書佐每郡國各一人漢制也各主一郡文

書以郡吏補歲滿一更○祭酒從事史漢魏以來置宋

世分掌諸曹兵賊倉戶水鎧之事自江左揚州無祭酒

而以主簿治事○中正陳勝為楚王以朱房為中正而

不言職事兩漢無聞魏司空陳羣以天臺選用不盡人

才擇州之才優有昭鑒者除為中正自拔人才銓定九

品州郡皆置吳有大公平亦其任也

吳習溫為荊州大公平大公平即州

都也後潘秘為尚書僕射代溫為公平甚得州里之稱

晉宣帝加置大中正故有

大小中正其用人甚重

晉劉毅字仲雄年七十已告老後舉為青州大中正尚書以毅

懸車致仕不宜勞以碑務孫尹表曰司徒魏舒司隸嚴詢與毅年齒相近管四十萬戶州兼董司百寮總攝機要舒所統殷廣兼執九品銓十六州議者不以為劇昔鄭武公年過八十人為司徒毅志氣聰明一州品第不足勞其思慮毅遂為州都銓正入流清濁區別其所彈貶自親貴始又干寶稱晉宣帝除九品置大中正晉令曰大小中正為內官者聽月三會議上東門外設幔陳席又劉毅上表刺史初臨州大中正選州里才業高者兼主簿從事迎刺史若吏部選用猶下中正問人事所在父祖位狀又晉起居注曰僕射諸葛恢啟稱州都大中正為吏部尚書侍郎司徒左長史掾屬皆為中正臣今領吏部請解大中正以為都中正職局司理下宜兼也

齊梁亦重焉

梁沈約遷侍中光祿大夫領太子詹事揚州大中正開尚書八條事後魏

有之

孝文云中正之任必須得才業兼資者太武帝時崔浩為冀州中正

北齊郡縣皆有

其本州中正以京官為之

乾明中邢劭為中書監同郡許惇與劭競本州中正遂憑

附宋欽道出劭為刺史

隋有州都其任亦重

晉王廣為雍州牧司空楊雄太僕高穎並

為州都

大唐無

都督

總管節度團練都統等使附晉宋後魏後周隋

後漢魏

後漢光武建武初征伐四方始權置督軍御史事竟罷

建安中魏武為相始遣大將軍督之而袁紹分沮授所

統諸軍為三都督

紹以沮授郭圖淳于瓊各典一軍

魏武征孫權還又

使夏侯惇督二十六軍○魏文帝黃初三年始置都督諸州軍事或領刺史又上軍大將軍曹真都督中外諸軍假黃鉞則總統外內諸軍矣明帝太和四年司馬宣王征蜀加號大都督高貴鄉公正元二年司馬文王都督中外諸軍尋加大都督○晉受魏禪則都督諸軍為上監諸軍次之督諸軍為下使持節為上持節次之假節為下使持節得殺二千石以下持節殺無官位人若軍事得與使持節同假節唯軍事得殺犯軍令者及伐

吳之役以賈充為使持節假黃鉞大都督總統六師

給兼

羽葆鼓吹緹幢兵萬人騎二千置左右長史司馬從事中郎增參軍騎司馬各十人帳下司馬二十人犬車官

騎各三十人

太康中都督知軍事刺史理人各用人焉惠帝

末乃并任非要州則單為刺史

庾翼都督征討諸軍事鎮襄陽綏懷招納立客

館置典賓參軍

江左以來都督中外尤重唯王導等權重者乃

居之○宋氏人臣則無居者唯江夏王義恭得假黃鉞

假黃鉞則專戮節將非人臣常器又有都督諸州諸軍

事者則為常職舊曰監某州諸軍事文帝即位改監為

都督○後魏有都督中外諸軍事永安以後近遠多事

置京畿大都督總攝軍人立府置佐○後周改都督諸

軍事為總管則總管為都督之任矣又有大都督帥都

督都督至隋三都督並以為散官煬帝改大都督為校

尉帥都督為旅帥都督為隊正

大唐武德七年改上大都督為驍騎尉大都督

為飛騎尉帥都督為雲騎尉都督為武騎尉

按此則都督之名微矣○隋文

帝以并益荆揚四州置大總管

并益揚三州以親王臨統唯荆州以韋世康為

之時論其餘總管府置於諸州列為上中下三等加使  
以為美

持節煬帝悉罷之○大唐諸州復有總管亦加號使持

節

刺史加號持節

武德元年諸州總管亦加號使持節五年以

治荆并幽交五州為大總管府七年改大總管府為大

都督府總管府為都督府

舊治州已置都督府武德四年廢府置大行臺

復有

行軍大總管者蓋有征伐則置於所征之道以督軍事

自武德以來亦有元帥之號太宗為秦王加西討元帥

中宗為周王為洮河道元帥睿宗為相王為并州道行

軍元帥

安祿山反後天寶十五載哥舒翰為諸道兵馬元帥其後李光弼郭子儀復為副元帥李岷李

若幽李勉又為兵馬都統蓋從其宜也

太極初以并益荆揚為四大都督

府開元十七年加潞州為五焉其餘都督定為上中下

等

上都督府五中都督府十三下都督府十六

前後制置改易不恒難可備

叙凡大都督府置大都督一人

掌所管都督諸州城隍兵馬甲仗食糧鎮戍等

親王為之多遙領其任亦多為贈官長史居府以總其

事

各有長史司馬錄事功曹以下官屬但員數多少與諸州府有差其職事不異具郡位篇

分天下

州縣制為諸道每道置使理於所部

即採訪使也

其邊方

有寇戎之地則加以旌節謂之節度使自景雲二年四



月始以賀拔延嗣為涼州都督充河西節度使其後諸道因同此號得以軍事專殺行則建節府樹六纛外任之重莫比焉本皆兼度支營田使開元九年十一月勅其河東河北不須別置並令節度使兼充有副使一人

副貳

行軍司馬一人

申習法令自漢魏至隋總戎出征則刺史都督將軍等官置長史司

馬諸曹參軍為之寮佐按官置司大唐本制大總管乃前代專征之任其寮佐亦多同之自後改為節度大使署副使判官以為寮佐如前代長史以下之任然長史司馬及諸曹是曰官名副大使副使判官乃為使職有所改易合隨府主置大使則有副使以下今若改名使府不合設官充其寮吏蓋因授任者莫詳其源既有副

使又置司馬參雜重設遂為其例況  
不標於甲令固須區別著定恒規也  
判官二人分判倉

四曹事副使及  
行軍司馬通署  
掌書記一人掌表奏書檄齊書曰宋江

書  
記參謀無員或一人或二人  
隨軍四人分使  
開元中凡八

節度使磧西河西隴右朔方河東幽州劍南嶺南  
蓋古之

持節都督江左四中郎將近代行軍總管之任凡將帥

滿萬人以上則置長史司馬倉兵等曹參軍若萬人以  
下員數遞減自至德以來天下多難諸道皆聚兵增節

度使為二十餘道其非節度使者謂之防禦使以採訪  
使并領之採訪理州縣防禦理軍事初節度與採訪各

置一人天寶中始一人兼領之代宗為廣平王時充天  
下兵馬元帥親總師旅克定禍亂以太臣宿將郭子儀

李光弼等隨其方面以為副謂之副元帥以督諸道事及皇帝踐祚以雍王為之王升儲宮而元帥闕乾元中又置都統使監總管諸道或領三道或領五道皆古方岳牧伯之任也上元末省都統後又改防禦使為都團練守捉使皆主兵事而無旌節察屬亦減有副使一人掌貳使事判官二人分判軍事自永泰以來都團練使稍有加置

若朝覲則置留後擇其人而任之

宋武帝起義討桓玄

既平京口向建業以孟景為長史總攝後事及討司馬休之伐荊州以中軍將軍劉道鄰監留府事皆留後之任也自後無代無之不復遍舉

## 都護

漢宣帝地節二年初置西域都護為加官也或以騎都

尉諫議大夫使護西域三十六國有副校尉始以鄭吉

為之後廢○至後漢永平十七年復置

班超為西域都護大破焉耆尉

犂斬其王自是西域降服納質者五十餘國

○晉宋以後有都護之官亦其

任也

齊書曰廣州西南有二江川源深遠別置都護專征討之事陳伯超為西江都護沈顗為南江都護

○大唐永徽中始於邊方置安東安西安南安北四大

都護府後又加單于北庭都護府

麟德元年改雲中都護為單于都護府

置都護一人

掌所統諸蕃慰撫征討并揔安輯蕃人及諸賞罰敘錄勲功總判府事

副都

護二人

掌或都護事其安北單于則置一人


長史司馬各一人

錄事功曹書曹戶曹

兵曹法曹參軍各一人參軍事三人其安北  
單于唯有司馬倉曹兵曹各一人餘並不置



通典卷三十二



總校官庶吉士臣侍朝

校對官編修臣楊壽楠

謄錄監生臣郝貽詩

欽定四庫全書薈要

史部

通典卷三十三

四

詳校官員外郎臣楊世綸





欽定四庫全書叢要卷九千一百五十一

史部

通典卷三十三

唐京兆杜佑君卿纂

  
職官十五  
州郡下

京尹

京兆尹  
守附

左馮翊

右扶風

河南尹

留

周官有內史秦因之掌治京師○漢景帝二年分置左  
右內史武帝太初元年更名右內史為京兆尹

絕高曰  
京十億

曰兆大眾所聚故曰京兆

更名左內史為左馮翊

馮翊輔翊佐也

初秦官有

主爵中尉掌列侯漢景帝中元六年更名都尉武帝太

初元年更名右扶風

扶助風化也

與左馮翊京兆尹是為三

輔治長安城中

三輔黃圖曰長安以東為京兆長陵以北為左馮翊渭城以西為右扶風皆治

在城中故趙廣漢嘆曰亂吾治者三輔也誠得兼之直差異耳

銀章青綬進賢兩梁冠

絳朝服佩水蒼玉秩異凡州所監郡為京師置尹一人

丞一人

趙廣漢字子都為京兆尹以和顏接士推功於掾吏發於至誠吏見者皆輸寫心腹廣漢天性

精於吏事尤善為鈎距以得民情其發姦擿伏如神冬獄當斷先為調棺皆曰死無所恨又張敞為尹一日捕

諸偷得數百人由是枹鼓稀鳴市無偷盜又王尊王章王駿並為京尹皆有名京師稱曰前有趙張後有三王

○漢初三輔治長安後漢都洛陽置河南尹以三輔陵

廟所在不改其號但減其秩與太守同

後漢延篤字叔固及邊鳳皆為

京兆尹並有雄名語曰前有趙張後有邊延趙張謂廣漢及敞

○後漢左馮翊右扶風

屬司隸尋省○魏晉為京兆太守○後周都關中又為

京兆郡○隋京兆郡置尹并佐吏合二百四十四人○

大唐京兆府本為雍州置牧一人以親王為之太宗為

秦王中宗為英王睿宗為相王時並居其任多以長史

理人開元元年改雍州為京兆府置牧如故掌宣風導俗肅清所部或以親王居閣而遙領焉初雍州置別駕以貳牧之事永徽中改別駕為長史開元初改雍州長史為京兆尹總理衆務凡前代帝王所都皆曰尹

南朝曰丹

陽尹後魏初曰代尹東魏曰魏尹齊曰清都尹

河南尹其地在周為王城成王命君陳分正東郊成周

曰尹茲東郊

蓋今河南牧之任亦留守之始

○秦兼天下置三川守

三川

河洛伊也秦末李由為三川守

○漢興更名三川為河南後增守為太

守王莽改太守為大尹改河南大尹為保忠信卿○光

武中興徙都洛陽改太守為尹章綬服秩與京兆同主

京都特奉朝請

李膺為河南尹

○魏晉皆為河南尹

魏司馬芝為河南尹

莫有及者晉傅嘏為河南尹有大益於民皆隱其端迹若不由已出當時無赫赫之名人久而後安

○後

魏太和中遷都洛陽又置河南尹○東魏置洛州刺史

○後周置洛州總管尋罷之○隋初為洛州刺史復為

河南內史

樊子蓋檢校河南內史屢有治績文帝謂曰今為公別造玉麟符以代銅獸

大業

初為荊河州刺史又為河南太守尋為河南尹與京兆

同○大唐武德四年置洛州都督貞觀十七年改為刺史顯慶二年置東都改刺史為長史而洛州本置牧一人以親王為之中宗為周王時及衛王重俊實居其任多以長史理人至開元元年改洛州為河南府改長史為尹其牧尹之制一如京兆諸曹僚佐亦如之各有少尹二員

通判府事

京兆少尹魏晉以來治中之任隋文帝改為司馬煬帝又改為贊治後又改為丞武德初

復為治中永徽元年以大皇帝諱改為司馬本一員太極元年雍洛二州各加司馬一員分為左右開元元年並改為少尹開元以後增置太原府為北京官屬制置悉同

兩京

初武太后長壽元年以并州后之故里改為北都神龍初廢開元十一年又以并州高祖起義之始

復置太原府號曰北京初開元元年正月於蒲州置中都改州為河中府至六月而罷後上元元年復置岐州為鳳翔府又以益州為成都府

留守周之君陳似其任也此後無聞○後漢和帝南巡祠園廟張禹以太尉兼衛留守○晉張方劫惠帝幸長安僕射荀藩等與其遺官在洛陽為留臺承制行事號為東西臺至安帝時劉裕置留臺具百官○又後魏孝文南伐以太尉元丕廣陵王羽留守京師並加使持節

○大唐留守之制蓋因此也

高宗儀鳳元年司農卿韋弘機為東都留守時有道

士朱欽遂為中官所使至都所為橫恣機執而囚之因奏曰道士假稱中官驅使依倚形勢臣恐虧損皇明為禍患之漸高宗特發中使賜書慰諭仍云不須漏泄武太后臨朝垂拱三年文昌右丞相蘇良嗣為京留守時尚方監裴匪躬檢校京苑將鬻苑中果菜以收其利良嗣駁之曰昔公儀相魯猶能拔葵去織未聞萬乘之主鬻其果菜以與下人爭利

郡太守

郡守秦官秦滅諸侯以其地為郡置守丞尉各一人守治民丞佐之尉典兵○漢景帝中元二年更名郡守為



太守凡在郡國皆掌治民進賢勸功決訟檢姦常以春  
行所主縣秋冬遣無害吏按訊諸囚平其罪法論課殿  
最

按律有無害都吏言如公平吏漢書蕭何以文無害為沛主吏掾

并舉孝廉漢制歲

盡遣上計掾史各一人條上郡內衆事謂之計偕簿郡  
為諸侯王國者置內史以掌太守之任宣帝以為太守  
吏民之本數變易則下不安民知其將久不可欺罔乃  
服從其教化每拜刺史守相輒親見問觀其所繇退而  
考察以質其言

質正

常稱曰與我共理者唯良二千石乎

是以漢世良吏於是為盛稱中興焉

汲黯為東海太守治官好清靜擇丞

吏任之責其大指而已黯多病臥閣內不出歲餘東海大治召為淮陽守而黯辭之上曰君薄淮陽耶吾欲得君重臥而治之乃行又王尊為東郡太守河湓堤壞尊執圭請以身填金堤而水稍却又馮立字聖通與弟野王相代為西河上郡人歌之曰大馮君小馮君兄弟繼踵相因循聰明賢智惠吏民政如魯衛德化均周公康叔猶二君又召信臣字翁卿為南陽民號為召父龔遂字少卿為渤海民有帶持刀劍者使賣劍買牛賣刀買犢曰何為帶牛而佩犢乎又文翁為蜀郡修起學宮天下郡國皆立學校官自文翁始也又黃霸為潁川以禮義教喻犯法者諷曉令自殺風化大行以治行尤異增秩中二千石徵為京兆尹而至丞相後以禮義為治又漢雜事曰蔣滿為上黨其子萬為北地都尉同詔徵見宣帝曰父子割符邪即詔滿為淮陽相萬為弘農守史

記曰杜周為御史大夫家兩子夾河為守又循吏傳叙  
曰王成黃霸朱邑龔遂鄭弘召信臣等所居民富所去  
見思生有榮號死見奉祠元帝建昭二年益三河大郡  
太守秩凡戶十二萬為大郡帝又下制令諸侯王相位  
在太成帝綏和元年省內史以相治民則相職為太守  
守下

哀帝初御史大夫王嘉上疏曰近日公卿以下變易促  
急數改更政事吏或居官數月而退送故迎新交錯道  
路二千石輕賤吏人慢易則有離叛之心前山陽亡徒  
縱橫吏士臨難莫肯仗節死義者以守相威權素奪也  
故成帝悔之詔二千石不以故縱為罪賜金以厚其意  
誠以國家有急取辦於二千石二千石尊重難危乃能  
使下故尚書章文必有敢告之字乃下所以丁寧告者  
之辭今二千石刺史三輔縣令有材任職者若有過差  
宜可闊畧令盡力者有所勸  
此方今急務國家之利也  
王莽改太守曰大尹○後

漢亦重其任

寇恂字子翼為潁川守拜執金吾後光武幸潁川百姓遮道曰願陛下復借寇君一

年乃留鎮之又張堪字君遊初去蜀郡乘折轅車而已後為漁陽謠曰桑無附枝麥穗兩岐張君為政樂不可支又宋均字叔庠為九江蝗蜚南到九江界輒東西分又廉范字叔度為蜀郡民歌曰廉叔度來何暮昔無襦今五袴又馮勤曾祖揚宣帝時為弘農太守生八男皆典郡趙魏間號為萬石又鄭弘字巨君為臨淮天旱隨車致雨白鹿方道夾轂而行又魏朗為河內以清嚴為治為三河之表又黃昌為蜀郡未到時蜀有童謠曰兩日出天兵戢又杜詩為南陽人方之召信臣語曰前有召父後有杜母又孟嘗字伯周為合浦而珠還又劉昆為弘農虎負子渡河又王堂字敬伯為巴郡民生為立祠又何敞為汝南疾文俗吏以苛刻求名稱立春日常召督郵還府分遣儒術大吏或以尚書令僕射出為郡按行屬縣是以郡中無冤聲

或以尚書令僕射出為郡

守

鍾離意黃香桓  
榮胡廣是也

或自郡守入為三公

虞延第五倫桓  
虞鮑昱皆是也

劉寵字祖榮為會稽太守狗不夜吠將去山陰父老七八十人齎百錢送寵寵為選受一大錢故人號為取一

錢後入居九列  
四登三事焉

三國時有郡守國相內史○晉郡守皆

加將軍無者為恥

王導永嘉末選丹陽太守加輔國將軍導上牋曰昔魏武達政之主也荀

文若功臣之最也封不過亭侯倉舒愛子之寵贈不過別部司馬今者臨郡不問賢愚皆加重號輒有鼓蓋有不得者為耻導饗名竊位取紊彝典謹送鼓蓋加崇之物請從導始帝嘉而從之初太始中詔守相三載一巡屬縣必以春此古者所以述職省俗宣風展義也又山公啓事曰晉制春夏農月不遷改長吏郡守縣令之屬以其妨農

晉宋守相內史並銀章青綬進賢兩梁冠

謝梁

肅字敬仲齊時為義興太守加秩中二千石不省雜事  
悉付綱紀曰吾不能作主者吏但能作太守耳又任助  
為吳興太守清潔友人到溉與弟洽從昉○後魏初郡  
為山澤遊被代而還無衣沈約遺裙迎之

置三太守

說在刺史篇

孝文初二千石能靜二郡至三郡者

遷為刺史

說在縣令篇

太和中次職令郡太守內史相縣令

並以六年為限○北齊制郡為上中下三等每等又有

上中下之差自上上郡至下下郡凡九等○後周郡太

守各以戶多少定品命○隋郡太守如北齊九等之制

至開皇三年罷天下諸郡以州統縣

楊尚希上表曰當今郡縣倍多於古

十羊九牧人少官多請存要去  
閒併小為大帝嘉之遂罷諸郡

大業三年又改州為郡

郡置太守○大唐武德元年改郡為州改太守為刺史

加號持節

總督則加使持節按魏晉制有使持節持節假節使持節得戮二千石以下持節得戮無

官人若軍事得與使持節同假節唯軍事得戮犯令者皆是刺史兼總軍戎若今採訪節度使也自宋齊以降雖天下分裂其州郡漸衆及隋開皇初有州三百一十郡五百八以官煩人弊遂廢郡便以州親人則刺史如太守之職自後雖官名屢改而職事不易蓋制置之際不詳源本因習舊名遂有持節諸軍之虛稱其屬官別駕以下錄事功戶諸曹參軍事亦多漢晉之制若今之節度採訪副使判官之任本置別駕乘一車行部其參軍錄事皆佐戎旅今並無其實豈所謂必也正名者乎又按加刺史持節軍事之名以為榮寵則邊荒萬里三

數百戶小郡亦同此號又無以別遠近小大之差輕重間劇之異也顯慶元年都督府及上州各置執刀十五人中州下州各置十人後加號為使持節諸軍事而實無節但頒

銅魚符而已天寶元年改州為郡刺史為太守

漢文帝二年

與郡守為銅虎符竹使符說在符寶郎篇至隋開皇七年又別頒青龍符於東方總管刺史西方以騶虞南方朱雀北方元武九年又頒木魚符於總管刺史雌一雄二至十年悉頒木魚符於五品以上官義寧二年罷竹使符頒銀兔符於諸郡大唐武德元年又改銀兔符為銅魚符自是州郡史守更相為

名其實一也太宗初理天下也重親人之任疏督守之名於屏俯仰視焉其人善惡必書其下是以州郡無不



率理

貞觀中賈敦實為饒陽令有能名時制大功以下不得聯職敦實兄敦頤優為瀛州刺史朝廷以其

兄弟廉謹許令同州竟不遷替時人榮之敦實歷遷洛州長史初敦頤為洛州刺史甚有惠政百姓樹碑頌美及敦實去職又立頌於兄碑之傍故人呼為棠棣碑

逮貞觀之末升平既久羣士

多慕省閣不樂外任其折衝果敢有材力者先入為中

郎郎將次補郡守其輕也如是武太后臨朝垂拱二年

諸州都督刺史並准京官帶魚長安四年納言李嶠同

平章事唐休璟奏曰竊以物議重內官而輕外職凡所

出守多因貶累非所以澄風俗安萬人臣請擇才於臺

閣省寺之中分典大州共康庶政臣等請輟近侍率先

具僚太后乃令書名採之中者當行於是鳳閣侍郎韋

嗣立御史大夫楊再思等二十人之皆以本官檢校

刺史

後二十人內以政績可稱者獨常州刺史薛光謙徐州刺史司馬鍾二人而已

當時復有

為員外刺史者

永昌中成王李千里歷遷襄州員外刺史神龍初以燕王重福之妃張易之甥

也貶重福為濮州員外刺史皆不領州務

開元中定天下州府自京都及都

督都護府之外以近畿之州為四輔

同華岐蒲四州謂之四輔八年都督

刺史品卑者借緋魚袋按武德令三萬戶以上為上州永徽令二萬戶以上為上州顯慶元年九月勅戶滿三

萬以上為上州二萬以上為中州先以為上州中州者  
仍舊至開元十八年三月勅太平時久戶口日殷宜以  
四萬戶以上為上州二萬五千戶為中州不滿二萬戶  
為下州六千戶以上為上縣三千戶以上為中縣不滿  
二千戶為下縣其餘為六雄鄭陝汴絳懷魏十望宋毫滑許汝

十州為十望

十緊

初有十緊州後入緊者甚多不復具列

及上中下之差

凡戶四萬

以上為上州二萬五千以上為中州不滿二萬為下州  
亦有不約戶口以別勅為上州者又謂近畿者為畿內  
州戶雖不滿四萬亦為上州其親王任中下州刺史者  
亦為上州王去任後即依舊式天寶中通計天下凡上  
州一百九中州二十九下州一百八十九總三百二十  
七州也時南海太史劉巨麟以贓罪詔杖殺之自至德  
之後州縣凋弊刺史之任大為精選諸州始各有兵鎮  
刺史皆加團練使故其任重矣

總論郡佐

郡丞

別駕

長史

司馬

錄事參

軍

司功

司倉

司戶

司兵

司

法

司士

參軍事

經學博士

醫博士

中正

通守

五官掾

督郵

郡尉

郡之佐吏秦漢有丞尉丞以佐守尉典武職○後漢諸

郡各置諸曹掾史畧如公府曹無東曹

蔡質漢儀曰河南府掾出考與

從事同又後漢書曰螟虫不入中牟河南尹疑不實使仁恕掾往廉之是也

○晉宋以下雖

官曹名品互有異同大抵畧如漢制○北齊上郡太守

屬官合三百一十人以下郡遞減之○隋初以州為郡

無復軍府則州府之職參為郡官故有長史司馬錄事

參軍功戶兵法等七曹稍與今制同開皇三年詔佐官  
以曹為名者並改為司十二年諸州司從事為名者並  
改為參軍又制刺史二佐每歲暮更入朝上考課煬帝  
置通守贊治東西曹掾主簿司功倉戶兵法士等書佐  
各因郡之大小而為增減改行參軍為行書佐○大唐

州府佐吏與隋制同有別駕長史司馬一人

大都督府司馬有左

右二員凡別駕長史司馬通謂之上佐

錄事參軍

京府謂之司錄參軍置二人餘並為錄事參軍

大府與上都督府亦二人餘府州一人

司功司倉司戶司兵司法司士等

六參軍

景龍三年諸州加置司田開元中省乾元之後又分司戶置參軍一員位在司戶下諸府則曰

田曹開元中省乾元之後又分司戶置焉以其廢置不恒故不列於此

在府為曹在州為

司

府曰功曹倉曹州曰司功司倉

大與上府置二員州置一員

自司功以下通

謂之參軍事各有差判司

京府參軍事有六員餘府州或四或五

博士一員醫

博士一員大凡以州府大小而為增減

郡丞秦置之以佐守漢因而不改

漢黃霸為河東郡丞後漢趙溫字子柔為

京兆郡丞歎曰丈夫當雄飛安能雌伏遂棄官去後官至三公

晉成帝咸康七年省諸

郡丞

唯丹陽丞不省

宋文帝元嘉四年復置齊梁有之至隋開

皇三年改別駕治中為長史司馬至煬帝又罷長史司馬置贊治一人後又改郡贊治為丞位在通守下今郡丞廢矣其職復分為別駕長史司馬

說在本篇

自隋為郡府

之官去從事史

隋趙軌為齊州別駕有能名在州四年考績連最詔徵入朝父老揮涕隨逐曰

公清如水請酌一杯水奉餞軌受而飲之

大唐永徽二年改為長史前上元

元年復置別駕多以皇族為之神龍中廢開元初復置

始通用庶姓天寶八載以元宗由潞州別駕入定內難遂登大位乃廢別駕官至德中復置諸府中各一人而

大都督府不置通判其事以貳都督刺史之職○長史秦置郡丞其郡當邊戍者丞為長史掌兵馬漢因而不

改

古今注曰守相病丞長史行事後罷邊郡太守丞而長史領丞職

其後長史遂為軍

府官至隋為郡官大唐初永徽二年改別駕為之其後二職並置府州各一人王府長史理府事餘府通判而已○司馬本主武之官自魏晉以後刺史多帶將軍開府者則置府僚司馬為軍府之官理軍事

晉謝奕字無奕桓溫辟為

安西司馬在溫座岸幘嘯詠如常溫曰我方外司馬也

宋制司馬銅印墨綬絳朝



服武冠至隋廢州府之任無復司馬而有治中焉治中

舊州職也

舊謂隋以前

州廢遂為郡官

說在州佐後治中篇

開皇三年

改治中為司馬

隋房恭懿為澤州司馬有異績遷德州司馬理為天下之最文帝曰此乃上天

社稷之所祐宜朕寡薄能致之乎遷海州刺史

煬帝又改司馬及長史併置贊

治一人尋又改贊治為郡丞大唐武德初復為治中貞

觀二十三年高宗即位遂改諸州治中並為司馬

長安元年

洛雍并荆揚益六州置左右司馬各一員四年復舊

所

太極元年又置四大都督府置左右司馬各一員

職與長史同○錄事參軍晉置本為公府官非州郡職

也掌總錄衆曹文簿舉彈善惡後代刺史有軍而開府

者並置之自後漢有郡主簿官職與州主簿同

後漢王堂字敬

伯為汝南太守教掾吏曰古人勞於求賢逸於任使其憲章朝右簡覈才職委功曹陳蕃匡政理務拾遺補闕任主簿應嗣自此不復繆有辭教郡內稱理又王允字子師仕郡為主簿晉陶侃立法祖等並為之

隋初

以錄事參軍為郡官則并州郡主簿之職矣煬帝又置

主簿大唐武德元年復為錄事參軍開元初改京尹屬

官曰司錄參軍掌府事勾稽省署抄目糾彈部內非違

監印給紙筆之事

乾元元年加進一品仍升一資元年建寅月又制凡縣令判司與錄事異

禮尊其任也

○司功參軍兩漢有功曹史主選署功勞

後漢范滂

字孟博汝南太守宗資請為功曹委任政事抽拔幽陋不軌者皆掃迹滂外甥李頌為鄉曲所棄中官以頌請資滂以非其人不召資遷怒捶書佐佐曰寧受笞死滂不可違乃止郡中中人以下莫不歸怨乃指滂所用謂之范黨謠曰汝南太守范孟博南陽宗資主畫諾又岑暉字公孝南陽太守成瑨請為功曹謠曰南陽太守岑公孝弘農成瑨但坐嘯又許劭字子將為郡功曹府中聞子將為吏莫不改操歸行子將正機執衡允齊風俗所稱如龍之升歷代皆同晉山濤年四十始為郡功曹所貶如墮於淵後位至司徒又劉毅字仲雄陽平太守杜恕選舉為功曹月餘沙汰郡吏百餘人三魏僉曰但聞劉功曹不聞杜府君決錄曰孫晨為功曹十月有藁一北齊諸州有功曹參軍隋亦然及罷郡置束暮卧其中

州以曹為名者改曰司煬帝罷州置郡改曰司功書佐  
大唐改曰司功參軍開元初京尹屬官及諸都督府並  
曰功曹參軍而列郡則曰司功參軍令掌官員祭祀禮  
樂學校選舉表疏醫筮考課喪葬之事○司倉參軍兩  
漢有倉曹史主倉庫

後漢戴就字景成仕郡為倉曹掾  
刺史劾其太守遣部從事案倉庫

簿領五毒慘  
至郡事遂釋

北齊以下並同功曹大唐亦掌倉廩庖厨

財物廛市之事○司戶參軍漢魏以下有戶曹掾主民

戶後漢陸績李邵皆仕郡  
為戶曹史邵官至司空

北齊以下與功曹同大唐掌

戶口籍帳婚嫁田宅雜徭道路之事○司兵參軍漢司  
隸屬官有兵曹從事史蓋有軍事則置之以主兵事至  
北齊以後並同功曹大唐掌軍防烽驛傳送馬門禁田  
獵儀仗之事

景龍四年許州司兵燕欽融上表直諫詔撲殺之

○司法參軍兩

漢有決曹賊曹掾主刑法歷代皆有或謂之賊曹或為  
法曹或為墨曹

後漢書曰周燕宣帝時為郡決曹掾太守欲枉殺囚燕數諫不聽遂殺囚囚家

詣闕稱冤詔遣覆考燕謂太守曰願謹定文書皆署燕名府君但言時病而已使收燕燕遂死之燕有五子皆至刺史太守又黃昌亦為郡決曹吏又郭弘為潁川郡決曹掾治獄至三十年用法平正郡內比之東海于公

隋以後與功曹同

隋陳孝意為東郡司法書佐太守蘇威欲殺一囚固諫不許乃解衣請先

受死乃止後至侍御史汝州刺史

大唐掌律令定罪盜賊贓贖之事○

司士參軍兩漢無聞北齊以後與功曹同大唐掌管河

津營造橋梁廨宇之事○參軍事後漢靈帝時陶謙以

幽州刺史參司空車騎張溫軍事

獻帝時孫堅亦為張溫參軍荀彧參丞相

軍事孫楚參石苞軍事是也楚輕苞謂曰天子命我參卿軍事

晉時軍府乃置為官員

中軍羊祜置參軍二人太尉楊滂置參軍六人

歷代皆有至隋為郡官謂之書

佐大唐改為參軍掌直侍督守無常職有事則出使

前代

又有行參軍者晉河間王顥以太宰輔政始置之  
掌使命歷代皆有大唐惟王府有之餘則無矣

○經

學博士漢郡國皆有文學掾

漢鄭崇為郡文學後漢光武問功臣曰諸卿不遭際

會自度爵祿何所至乎鄧禹曰臣少嘗學問可郡文學

歷代多闕

隋潘徽為州博士

大唐

府郡置經學博士各一人掌以五經教授學生多寒門

鄙儒為之

助教學生各有差

○醫博士一人大唐開元十一年

七月制置階品同錄事每州寫本草百一集驗方與經

史同貯其年九月御撰廣濟方五卷頒天下貞元十二

年二月御撰廣利方五卷頒天下自今以後諸州府應

闕醫博士宜令長史各自訪求選試取人藝業優長堪  
効用者具以名聞已出身人及前資官便與正授其未  
出身且令權知四考後州司奏與正授餘准恒式吏部

更不須選集○中正魏置

中正之始已具州中正篇

晉諸中正率一

國所推臺閣取信後魏孝明正光元年罷諸郡中正北  
齊郡縣皆有之他史多闕隋初有後罷而有州都大唐  
並無此官每歲貢士符書所關及鄉飲酒之禮則司功  
參軍主其事○通守隋煬帝置每郡各一人位次太守



而京兆河南謂之內史大唐無○五官掾後漢有之署

功曹及諸曹事

後漢諒輔字漢儒仕郡為五官掾夏大旱太守自祈禱無應輔乃自曝庭中祝

曰輔為股肱不能進諫納忠薦賢去惡和調陰陽順承天意乃積薪以自環構火其旁曰若日中不雨將自焚未及中而雨注今無之○督郵漢有之掌監屬縣有東西南北

中部謂之五郡督郵也故督郵功曹之極位

漢尹翁歸為河東督

郵時太守田延年分河東二十八縣為兩部閭孺部汾北翁歸部汾南舉法皆得其罪屬縣長吏雖中傷莫有怨者又孫寶為京兆尹以立秋日署故吏侯文為東部督郵勅之曰今日鷹隼始擊當順天氣取姦惡以成嚴霜之誅後漢歐陽歆為汝南太守汝南舊俗十月鄉會百里內縣皆齋牛酒宴飲臨饗禮畢歆教曰西部督郵

繇延天資忠貞不嚴而治宜顯之於朝主簿讀教訖功曹郅惲前曰司正舉觥以君之罪告謝於天按廷資性貪邪罔上害人明府以惡為善股肱以直從曲惲敢再拜奉觥款慙不知所言門下掾鄭敬進曰君明臣直功曹切直明府德也可無受觥款曰實款之罪也敬受觥惲免冠謝遂不宴而罷又陳球為繁陽令時魏郡守諷縣求賄球不與太守怒撻督郵令逐球督郵不肯曰魏郡十五城獨繁陽有異政今逐之將致議於天下太守乃止

○郡尉

京輔屬國等郡尉附

秦官有郡尉掌佐守典武職甲卒

漢凡郡口二十萬舉一人典兵禁備盜賊景帝更名曰都尉武帝元鼎四年又置三輔都尉各二人譏出入邊郡置農都尉主屯田殖穀又置屬國都尉主蠻夷降者

中興建武七年省諸郡都尉并職太守無都試之役

漢舊

儀曰民年二十三為正一歲以為衛士一歲為材官騎士習射御馳陣八月太守都尉令長相丞尉會都試課殿最水家為樓船亦習戰射年五十六老衰乃得免為民就田今乃罷其役

每有劇賊郡臨

時置都尉事訖罷又省關都尉唯邊郡往往置都尉及

屬國都尉

宋志曰光武省郡尉後往往置東南西北四部都尉

稍有分縣治民比

郡安帝以西羌盛三輔有陵園之守乃復置右扶風都

尉於雍京兆虎牙都尉於長安自後無聞至隋煬帝時

別置都尉領兵與郡不相知又置京輔都尉立府於潼

關主兵鎮大唐無其制

縣令

周官有縣正

四百里為縣

各掌其縣之政令而賞罰之春秋

時列國相滅多以其地為縣則縣大而郡小故傳云上

大夫受縣下大夫受郡

周書作雒篇曰千  
里百縣縣有四郡

縣邑之長曰

宰曰尹曰公曰大夫

晉謂之大夫魯衛謂  
之宰楚謂之公尹

其職一也

孔子

為中都宰一年四方皆則之由中都宰為司空又齊威  
王即位召即墨大夫語之曰子居即墨毀日至然吾使  
人視即墨田野闢民人給官無留事東方以寧是子不  
事吾左右以求名也封之萬家召阿大夫語曰自子之

守阿名日聞然使視阿田野不闢民人貧苦是子以幣  
厚吾左右以求名也乃烹阿大夫左右常稱者皆并烹  
之遂起兵擊諸侯諸侯震懼人人不敢飾非務盡其誠  
齊國大治又子產理鄭人不能欺宓子賤理單父人不  
忍欺西門豹理鄴人不敢欺至於戰國則郡大而縣小矣故甘茂謂

秦武王曰宜陽大縣名曰縣其實郡也○漢制列侯所

食縣曰國皇太后公主所食曰邑有蠻夷曰道凡縣萬

戶以上為令減萬戶為長侯國為相秩次亦如之皆秦

制也漢因之

漢書曰凡縣大率方百  
里民稠則減稀則曠

成帝綏和元年長

相墨綬哀帝建平二年復黃綬秋冬集課上計於所屬

郡國

胡廣云秋冬歲盡各計縣戶口墾田錢穀入出盜賊多少上集簿丞尉以下歲詣郡課校其功功多

尤為最者於庭慰勞勉之以勸其後負多尤為殿者於後曹對責以糾怠慢也卓茂為密令勞心諄諄視民如子民不忍欺光武初即位詔曰前密令卓茂能為人所不能為夫名冠天下當受天下重賞今以茂為太傅封褒德侯食邑三千戶以茂長子為大中大夫次子為郎中又魯恭字仲康為中牟令專以德為治螟不犯境雉馴其旁童子有仁心此三異也恭官至司徒又周榮字平孫當竇憲縱暴榮常排奏之及竇氏敗榮自鄆令擢為尚書令又劉昆字桓公為江陵令縣連災火昆輒向火叩頭降雨止風又戴封為西華令大旱祈禱無獲乃積薪自焚火起而雨大降又王渙為洛陽令人為立祠及桓帝事黃老道毀諸旁祠唯持詔密縣留卓茂廟及渙祠也又漢官曰明帝臨觀見洛陽令車騎意河南尹及至而非尤其泰盛勅去軒綏時偃師長治有能以

事詣臺因取賜之  
下縣遂以為故事

其郡有鹽官鐵官工官都水官者隨

事廣狹置令長及丞秩次皆如縣道無分土給均吏

後漢

凡郡縣出鹽多者置鹽官主鹽稅出鐵多者置鐵官主  
鼓鑄有工多者置工官主稅物有水池及魚利多者置  
水官主平水收漁稅所在諸縣均  
差吏更給之署吏隨事不具縣員  
○晉制大縣令有治

績官報以大郡

山公啓事曰溫令許奇等並見能名雖  
在職各日淺宜顯報大郡以勸天下詔

曰按其資歷悉自足為郡守各以在職  
日淺則宜盡其政績不宜速他轉也

不經宰縣不得

入為臺郎○宋諸縣署令銅印墨綬進賢兩梁冠自晉

宋以後令長國相皆如漢制

齊傳琰字季珪為山陰令  
父僧祐亦為山陰令父子

並著奇績世云諸傳有治縣譜子孫相傳不以示人梁顧憲之字士思為建康令京師飲酒得醇旨者輒號為顧建康謂其清且美也又何遠字義方自武昌太守除名後起為武康令正身勵廉節除淫祀武帝聞其能擢為宣城太守自縣令為近畿大郡近代未有又張稷字公喬為剡縣令多為山水遊及山賊作亂又保全縣境又蕭景字子昭為永寧令永嘉太守勝郡門曰諸縣有疑滯可就永寧令決之○後魏縣置三

令長

說在刺史篇

孝文初制縣令能靜一縣劫盜者兼理二

縣即食其祿能靜二縣者兼理三縣三年遷為郡守二

千石能靜二郡者兼理至三郡亦如之三年遷為刺史

太和中次職令其祿甚厚

後魏孝文以北平府長史裴聿中書侍郎崔亮並清貧欲



以俸祿優之乃以亮帶野王令聿帶溫縣令時人榮之

其後令長用人益雜但選

勤舊令史為之而縉紳之流恥居其位○北齊制縣為

上中下三等每等又有上中下之差自上上縣至下下

縣凡九等然猶因循後魏用人濫雜至於士流恥居之

元文遙遂奏於武成帝請革之乃密令搜揚世胄子弟

恐其辭訴總召集神武門宣旨慰諭而遣自此縣令始

以士人為之○隋縣有令有長煬帝以大興長安河南

洛陽四縣令並增正五品諸縣皆以所管閒劇及衝要

之處以為等級

開皇十三年以臨潁令劉曠治政尤異擢為營州刺史又魏德深為貴鄉長轉

館陶長貴鄉民吏號泣請留詔許之貴鄉民吏歌呼滿道館陶合境悲哭

○大唐縣有赤

府三

共有

畿

望

緊

上

中

下

百

五

百

五

四五十  
七等之差

京都所治為赤縣京之旁邑為畿縣其餘則以戶口多少資地美惡為差凡

一千五百七十三縣令各一人

天寶四載柳升為長安令有賊罪朝堂杖殺之

總論縣佐

丞

主簿

尉

五百附

漢縣有丞尉及諸曹掾

多以本郡人為之三輔則兼用他郡及隋氏革選盡用他郡人

○後漢縣諸曹畧如郡員

橋玄為縣功曹事具部郡從事篇又升光泥和為縣功曹

縣令遣泥和拜  
檄謁巴郡太守  
又五官為廷掾監鄉五部春夏為勸農

掾秋冬為制度掾

後漢爰延字季平外黃令牛述禮請延為廷掾范甯為功曹濮陽潛為主

簿常共言談而已

○晉縣有主簿功曹廷掾法曹金倉賊曹掾

兵曹賊捕掾等員○隋煬帝改縣尉為縣正尋改正為

戶曹法曹分司以承郡之六司其京四縣則加置功曹

為三司司各二人○大唐縣有令而置七司一如郡制

武德元年詔京令五品丞一人七品正六人八品畿令六品丞一人七品正四人八品上縣令六品丞一人八

品正四人九品中下縣各有差

丞為副貳

如州上佐

主簿上轄

如錄事參軍其曹謂之錄

事司并司功以下尉分理諸曹

如州判司

錄事省受符歷佐

# 史行其簿書

丞漢諸縣皆有兼主刑獄囚徒

史記曰詔捕淮南太子淮南相怒壽春丞留太

子建不遣如淳注曰丞主刑獄囚徒故責之漢書曰黃霸為潁川太守務在成就全安長吏許丞老病聾督郵白欲逐之霸曰許丞廉吏雖老尚能拜起送迎正頗重聽何傷且善助之母失賢者意如淳曰許縣丞也

後

漢令長國相各置丞一人署文書典知倉獄署諸曹掾

史凡諸縣署丞皆銅印黃綬進賢一梁冠自晉後無丞

宋時唯建康有獄丞隋及大唐縣丞各一人通判縣事

赤縣置

○主簿

謂主諸簿目

漢有之

後漢繆彤字孺公仕縣為主簿時縣令被章見

二人

考吏皆畏懼自誣而彤獨證據掠考苦毒至乃體生蟲  
蝨因轉換五獄踰涉四年令卒以自免又寧陽主簿詣  
闕訴其縣令之枉積六七歲不省乃復上書曰臣為陛  
下于陛下為臣父臣章百上終不見省臣豈可止詣單  
于以告冤乎帝大怒劾以大逆虞詡駁之曰主簿所訟  
君父之怨百上不省是有司之過又仇覽字季智一名  
香初為蒲亭長有陳元者母告其子不孝覽為陳慈孝  
之道卒成孝子考城令王渙政尚嚴猛聞覽以德化人  
署為主簿謂覽曰主簿聞陳元之罪而不罪得無少鷹  
鷂之志耶覽曰以為鷹鷂不若鸞鳳渙謝曰枳棘非鸞  
鳳所棲百里非大賢之路乃以振晉亦有之他史多闕  
月俸資遣令入太學其名大振

以來皆令長自調

大唐赤縣置二人他縣各一人掌付

事勾稽省署抄目糾正縣內非違監印給紙筆○尉漢

諸縣皆有

長安有四尉  
分為左右部

後漢令長國相亦皆有尉大縣

二人小縣一人主盜賊案察姦宄

應劭漢官曰大縣丞  
左右尉所謂命卿三

人小縣一丞一尉  
命卿二人

署諸曹掾史邊縣有障塞尉掌禁備羗

夷犯塞

洛陽有四尉東南西北四  
部曹公為北部尉是也

魏因之晉洛陽建康

皆置六部尉宋齊梁陳並因之餘縣如漢制諸縣道尉

銅印黃綬朝服武冠江左止單衣介幘北齊郡縣置三

尉隋改為正後置尉又分為戶曹法曹

說在縣  
佐篇

大唐初

因隋制

武德元年萬年縣法曹孫伏伽上表論事後為尚書右丞

武德中復改為正

七年三月復改為尉赤縣置六員他縣各有差分判諸

司事

上縣二員萬戶以上者增一員中縣一員四千戶以上者增一員中下縣一員佐史以下各有差

○五百

宋志曰謂官府至郡各置五百又韋曜曰五百字本為伍伯也使之導引當道陌中以驅除也

又周禮秋官有條狼氏掌執鞭以趨辟王出入則八人夾道此近之矣又漢官中有伯使主為諸侯官驅使避路於道陌中故言伯使此其比也今州縣官有雜職者掌行鞭捶每官出則執楚導引呵闢行路殆其職也

鄉官

周禮有鄉師鄉老鄉大夫之職其任大矣

鄉老管萬二千五百家

次有州長

二千五百家為州

黨正

五百家為黨

族師

百家為族凡師者帥也

閭

胥

二十五家為閭凡胥者有才智之稱

鄙師

五鄙為鄙

鄴長

四里為鄴

里宰

五鄙為里

鄰

長

五家為鄰皆不命之士為之

皆鄉里之官也大凡各掌其鄉黨州

里之政理云○秦制大率十里一亭亭有長十亭一鄉

鄉有三老有秩嗇夫游徼

風俗通曰有秩者言其官裁有秩耳嗇者省也夫賦也言

當消息百姓均其賦役

三老掌教化嗇夫職聽訟收賦稅游徼徼

循禁盜賊○漢鄉亭及官皆依秦制也縣大率方百里

其人稠則減稀則曠鄉亭亦如之高后元年初置孝悌



力田二千石者一人

特置孝悌力田官而尊其秩欲以勸厲天下令敦行務本

後廢

至文帝十二年又置三老及孝悌力田無常員平帝又

置外史閭師官○後漢鄉官與漢同有秩郡所署秩百

石

鄉戶五千則置有秩

掌一鄉人其鄉小者縣置嗇夫一人

後漢爰延

字季平為鄉嗇夫仁化大行民但聞嗇夫不知郡縣也

皆主知民善惡為役先後

知民貧富為賦多少平其差品三老掌教化凡有孝子

順孫貞女義婦讓財救患及學士為民式者皆扁表其

門以興善行

又有鄉佐屬鄉主民收賦稅

亭有亭長

十里一亭五里一郵郵間相去

二里半司姦盜亭長持一尺板以劾賊索繩以收執賊亭吏舊名亭員後改為長或為亭父

主禁盜

賊後漢陳實字仲弓為西門亭長又仇覽為蒲亭長說在主簿篇又先賢傳曰逢萌字子康為縣亭長時尉

行過亭萌侯迎拜謁既而擲盾歎曰大丈夫安能為人役哉遂去之至王莽時萌解冠掛東都門而遁

里

有里魁民有什伍善惡以告里魁掌一里百家什主十

家伍主五家以相檢察民有善惡以告監官○晉縣五

百戶以上皆置一鄉三千戶以上置二鄉五千戶以上

置三鄉萬戶以上置四鄉鄉置嗇夫一人縣率百戶置

里吏一人其土廣人稀聽隨宜置里吏限不得減五十

戶戶千以上置校官掾一人縣皆置方畧吏四人○宋  
五家為伍伍長主之二伍為什什長主之什十為里里  
魁主之十里為亭亭長主之十亭為鄉鄉有鄉佐三老  
有秩嗇夫游徼各一人所職與秦漢同○隋以周齊州  
郡縣職自州都郡正縣正以下皆州郡將縣令所自調  
用理時事至開皇初不知時事直謂之鄉官官別置品  
皆吏部除授每歲考殿最開皇十五年罷州縣鄉官○  
大唐凡百戶為一里里置正一人五里為一鄉鄉置耆

老一人以耆年平謹者縣補之亦曰父老貞觀九年每鄉置長一人佐二人至十五年省太極元年初令老人年九十以上板授下州刺史朱衣執象笏八十以上板授上州司馬綠衣執木笏天寶七載詔父老六十板授本縣丞七十以上授縣令三十里置一驛

其非通途大路則曰館

驛各有將以州里富强之家主之以待行李

自至德之後民貧不

堪命遂以官司掌焉凡天下水陸驛一千五百八十七

# 鎮戍關市官

隋鎮置將副戍置主副關市置令丞○大唐因之各有

上中下三等

關令古官戍主晉宋之顯職鎮將後周之通班今以其卑賤與隋制同故舉隋而已

### 致仕官

周制大夫七十致仕○大唐令諸職事官七十聽致仕  
五品以上上表六品以下申省奏聞諸文武選人六品  
以下有老病不堪公務有勞考及勲績情願給階授散  
官者依其五品以上籍年雖少形容衰老者亦聽致仕  
開元五年十月勅致仕官三品以上並聽朝朔望二十

五年正月制曾任五品以上清貧官以理去職者所司具錄名奏老病不堪釐務者與致仕官天寶九載三月勅如聞六品以下致仕官四載之後准格並停念其衰老必藉安存豈限高卑而恩有差降應六品以下致仕官終其餘年仍永為式

通典卷三十三